


弘簡錄




宋

百二十三之五

漢書門類			
九	三	四	八
冊	架	函	號

庫文閣内			
二	六	五	漢
函	九	一	書
三	三	六	類
架	冊	號	

内閣文庫			
番號	漢	5106	
冊數	93 (卷)		
函號	286	83	



綴じ部(喉部分)の文字等が開きが不鮮明な場所あり

明刑部員外郎仁和弘齋邵經邦學

皇清翰林院侍講學士四世孫遠平校閱

功臣 宋三之十

陳敏

安丙

楊巨源

李好義

張詔

附張威

趙方

子范

扈再興

孟宗政

子珙

畢再遇

陳敏字元功潁州石城人父皓有才武建炎末以破贛賊李仁功補承信郎敏身長六尺餘精騎射積官至忠靖郎楊存中薦擢閣門祇候時闕地多寇殿司兵往戍率不習水土朝命募兵三千以敏為統制駐劄漳州按諸郡要害凡十有三處悉分兵扼之益發輒獲累功授右武大夫封武功縣男領興州刺史召赴闕高宗章其狀貌魁岸除破敵軍統制母憂去職以所部軍

淺草文庫

駐太平州會金亮南寇敏隸京湖招討使成閔馬司統制屯
荆漢間嘗說閔曰金人稱騎悉在江淮汴必乏守今欲救江淮
莫若由陳蔡徑擣大梁潰其腹心不聽從閔還駐廣陵金亮尚
未渡淮又說閔邀其歸師復不聽遂移疾歸姑熟孝宗卽位張
浚奏敏爲神勁軍統制改督府武鋒軍都統制與李顯忠同渡
江敏言盛夏興師非時且金人重兵皆在大梁我客彼主勝負
之勢先形矣願少緩期浚不聽令以屯盱眙顯忠至符離果失
律敏移守泗州和議成還守滁陽敏請於朝以滁非受敵之所
改戍高郵兼知軍事與金人戰射陽湖焚其舟復追至沛城敗
之乾道元年遷宣州觀察使主管侍衛步軍司公事居歲餘抗
章言敵情多詐和不足恃今兩淮無備臣乞任周廬難効鷹犬
乞以故部之兵再戍高郵請更築其城乃落言階除光州觀察
使分武鋒爲四軍升敏爲都統制兼知高郵軍事仍築城屯
田之費至則增其舊制板築高厚又按故迹起自寶應作石礎
十二所自是運河通泄無衝突之患四年有北界人侍旺密欵
本朝稱結約山東十二州豪傑起義以復中原敏言旺欲假國
威以行劫耳事必不成願勿聽適旺與屯田統領交通旺收金
有間言上知非敏罪名爲左驍衛上將軍時議戍守清河口敏
謂宜先脩楚州城池蓋楚乃南北襟喉彼此必爭之地長淮二
千餘里清汴渦潁蔡五道皆通北方其通南方以入江者惟一
楚州運河金兵自五河而下非得運河無緣渡江昔周世宗自
楚州北神堰繫老鶴河通戰艦以入大江南唐遂失兩淮之地
由此言之楚州實係要害願朝廷留意詔從之命與州守左祐
同城楚州祐卒遂移守之北使每過見其雉堞堅新虎銀鑄城

俄坐歸正人二百家逃歸降忠州團練使罷為福建路總管改江西贛州駐劄仍往福州揀軍還豫章教團團結江西諸郡人馬久之提舉佑神觀奉朝請旋領新州防禦使武鋒軍都統制兼知楚州至光州觀察使以疾卒贈慶遠軍承宣使

冊曰敏乃多猷進言不售及守楚州銀城終就丈夫一得尚能貽後

安內字子文廣安州人登淳熙進士調人足縣簿秩滿詣闕陳蜀利病十五事言皆剴切外艱服除辟利西安撫司幹辦公事調曲水丞吳挺為帥知其才邀致之改知新繁內艱服除轉知小溪通判隆慶嘉泰三年郡大水白守張鼎發常平粟振之又鑿石徙溪自是無水患移知大安軍歲旱以家財糴米振饑事聞詔加秩曦既代挺丙知其必誤國言于宣撫程松陳十可

憂松不省旣而曦奏丙為隨軍轉運居河池金人攻河池破天水縣由西河入成州師潰曦不問敵肆掠關外四州如踐虛邑軍民莫知死所曦密受金人封爵宣言使者欲得四州以和開禧三年僭號改元建官屬以丙為丞相長史權行都省事丙度不能脫徒死無益乃陽與而陰圖之與楊巨源李好義等謀乘曦在楊李傳徐景望在利州逐王人擅財賦丙遣弟煥往約諸將相與拊定及已誅曦景望伏罪軍民無敢譁者丙乃傳檄諸道按堵如故朝廷初聞曦變莫知所為亟召知鎮江宇文紹節問之紹節稱丙非附逆者必能討賊乃密降帛書獎其才其如能圖曦報國以明本心卽當不次推賞帛書未至已函曦首露布以聞陳賊所以反及矯制討平便宜賞功狀并獻乘輿法物及所受金人詔印與所匿庚牌自劾待罪一時上下動色

交慶加端明殿學士中大夫知興州兼安撫使四川宣撫副使
賜詔獎諭恩數視執政金人揭示境上得丙首者與銀絹二萬
匹卽授四州宣撫丙戒飭將士以攻爲守威聲甚著時沿邊關
隘悉爲金毀丙脩西和仇池聚糧積芻使軍民可守成州黑谷
南谷亦皆頓兵距天水十里所創白環堡與西和相爲犄角又
增堡雞頭山守以民卒脩黃牛堡築興趙原屯兵千餘鳳州秋
防原及河池殺金平魚關皆大軍屯聚又於關表廣結義士月
給以糧俾各保田廬墳墓使可經久好義守西和言四州兵後
民不聊生乞蠲租以惠剝夷丙請于朝從之又以沔州都統司
所置十軍權太重致有尾大不掉之患請分置沔州副都統制
各不相屬以前後左右中五軍隸沔州都統司踏白摧鋒選鋒
策鋒遊奕五軍隸副司詔皆從之寧宗手書賜丙謂金人必再
至當激勵將士戮力赴功侂胄誅復賜金器細幣進資政殿學
士和議成還大散隔牙關丙分遣僚吏經量洋沔興元大安民
田別定租稅丞相史彌遠起復丙移書責以名教所係論者避
之升大學士四川制置大使兼知興元七年三月詔同知樞密
院事兼太子賓客召入進觀文殿學士知潭州湖廣安撫使至
官留意學校請于太常劾大樂御史李安行劾其政尚巖酷罷
授崇信軍節度使開府儀同三司萬壽觀使時董居誼帥蜀大
失士心金人乘之破赤丹黃牛堡入武休關直擣梁洋至大安
宋師所至輒潰散入巴山紅巾賊又叛殺利州總領楊九鼎代
者彌遠黨聶子述退保劔門四川大震詔子述赴行在復起丙
爲四川宣撫使許以便宜初至遂寧賊猶負固丙下令諸將合
圍絕其樵汲之路檄知果州安癸仲兼節制軍馬名張威李貴

來會癸仲丙子也未幾生擒張福莫簡以獻盡俘餘黨一千三百人皆斬之授保寧軍節度使兼知興元府利東安撫使移治利州卽加癸仲三官除直華文閣主管機宜文字明年進少保賜衣帶鞍馬夏人來乞師併兵攻金丙分遣將士趨秦鞏鳳翔委丁煇節制師次于鞏不克而罷尋以少傅致仕十四年卒輟朝贈少師賻銀絹賜沔州祠額曰英惠理宗賜諡忠定所著有晶然集

楊巨源字子淵成都人父信臣客益昌因家焉少儻有大志善騎射攻書涉獵諸子百家劉光祖薦爲右職總領陳曄舉爲鳳州堡子原倉官傾財養士沿邊忠義咸服其才分差魚關糧料院移監興州合江贍軍倉吳曦叛巨源陰結義士有討賊志有遊奕統領張林力能挽兩石弓隊將朱邦寧身長六尺勇力過人曦皆忌之屢戰有功不加賞林時在置口邦寧在合江巨源因深與柑結并集忠義人朱福陳以安傅檜未有以發會安丙爲曦所脇稱疾眉士至喜錫見丙歎曰時事如此何無善謀者夢錫言及巨源丙欣然屬致之延之卧所相對號哭言目前兵將不能奮起必得豪傑乃滅此賊因指天誓曰若賊誅丙雖死不恨巨源大喜曰非先生不足以主此事非巨源不足以了此事時李好義好問亦結李貴楊君玉李坤辰凡數十人坤辰邀巨源與好義會巨源益大喜曰吾與安長史議以三月六日邀曦謁榭合勇士刺之好義曰彼出且清道從衛千人事必無難惟寒食祭東園可圖巨源然之好義願一見安公爲信巨源曰吾爲君先容來日僞宮相見令問君先世是已約既定及期引見丙揖之曰向與尊父同僚楊省幹盛談方略且夕以職

事相委其謀乃決先是楊君玉屬其鄉人白子申擬作詔文不雅馴巨源更爲之遂以三月乙亥未明巨源持詔乘馬自稱奉使竟入內戶率勇敢七十人斧門以入斬曦首裂尸以獅推丙權四川宣撫使丙奏功以巨源第一詔補丞事郎叅贊軍事言于丙曰曦死賊膽已破關外四州要害當乘勢取之丙慮軍無見糧巨源自請隨軍措置於是分遣諸將收復散關及西和成階等州先是樊諭誅叛詔書爲侂冑所蔽一字不及巨源既而轉朝奉郎與通判差遣兼四川宣撫司叅議官巨源意不平時趙彥呐以誅祿禧功亦授通判巨源恚曰殺祿禧與殺吳曦等耶因遣親校傅檜愬功于朝而從彭輅乞書遺侂冑輅陽許而陰以白丙希意者因言巨源與其徒米福車彥威謀作亂丙命王喜鞠訊抵二人罪正將陳安復又告巨源結死士欲入蜀焚沔州俟丙出謀害之丙積前疑未發金傳檄言巨源在鳳州遣檄僞鳳翔都統自稱宣撫副使而以叅議官印印之又與金戰而敗丙乃密命輅收之以詐稱撫副爲辭械送閬州獄巨源呼曰我一時用間中心無愧異日必有爲我明其事者惟有妹尙未嫁宜撫念之舟抵大安龍尾灘遂見殺以自媼聞忠義之士無不扼腕流涕劍外張伯威爲文以弔其辭悲切政府李壁聞之驚嘆丙以人情洶洶封章求免楊輔亦謂丙寃殺巨源必名變乃以劉甲代之成忠郎李琪爲巨源寃寃朝廷亦念其功賜廟褒忠贈寶謨閣待制官其二子崔與之請官給其葬加贈直學士大中大夫嘉熙元年賜諡忠愍子履正終大理卿四川制置副使

李好義下邳人祖師中建炎間積官忠州團練使父定一興州

中軍統制好義弱冠從軍騎射爲西邊第一討文州蕃部有功
開禧初爲正將數請出兵襲金人曦蓄異謀不納曦既叛好義
自青坊聞變。亟歸與兄好問對哭謀誅之。會曦遣李貴追殺宣
撫程松貴謂朝廷重臣不可殺好義知貴赤心密告所謀因轉
約李彪張淵陳立劉虎張游等好義益結親衛軍黃術趙亮吳
政并妹婿楊君玉各相戒誓死報國救西蜀生靈好義兄弟謀
曰今日人皆可殺曦亦皆可爲曦曦死無威望者鎮撫之恐一
變未息一變復生欲至期立安丙以主事旣而君玉與李坤辰
來坤辰因言丙與巨源之謀好義遂令坤辰合謀巨源以報丙
丙大喜曰非統制李某子乎此人來斷曦右臂矣乃定約舉事
凡七十有四人及士人路良弼王芾亦與焉好義卽夜饗士麾
衆受甲與好古好仁及子姓拜訣于家廟囑妻馬氏曰日出無
耗當自爲計死生從此決矣馬氏叱之曰汝爲朝廷誅賊何以
家爲我必不辱李家門戶馬氏母亦曰行矣勉之汝兄弟生爲
壯夫死爲英鬼好義喜曰婦人女子尚念朝廷不愛性命我輩
當如何衆皆踴躍小將祿禕亦引十卒來助各以黃帛爲號臨
行復誓衆曰入僞宮毋妄殺人掠財物敢犯者死時門已洞開
好義大呼而入曰奉朝廷密詔安長史權四川宣撫使令我誅
反賊敢抗者連三族護衛千人皆棄挺而走遂由僞殿東角小
門入世美堂近賊寢室曦聞外闕倉皇而起露頂徒跣手捍內
戶貴前爭戶折其紐曦走貴追及手執賊髻舉刃中其頰曦素
猛力撲貴仆地不能起好義急呼王換斧其腰曦負痛縱貴起
遂斬之引衆擁曦首出僞宮亟馳告丙宜詔軍民拜舞權聲動
天地持曦首撫定城中市不改肆事定好義請乘時取關外四

州曰西和腹心之地。西和下則三州可不戰而復矣。願得馬步千人。死士二百。齋十日糧。可濟內從其請。忠義響應。進次獨頭嶺。進士王榮仲兄弟率民兵會合夾擊。命人死者蔽路十戰。至山砦高堡。七日至西和好義。率眾攻城。親犯矢石。人人樂死。以少擊衆。爲西和節度完顏欽奔遁。遂整衆而入。軍民歡呼迎拜。籍府庫以歸。于官印以爲中軍。制知西和好義。喜誦孟子及左傳以爲終身行此已足。方諫賤時。惟少子植留家。賊平人爭冒功賞。君玉欲注植名。好義指心曰。惟此物不可欺。節度使王喜乃賤大將貪淫狠復。內懷姦邪。誅賤之日不肯拜。詔遣其徒入僞宮。掠取姬妾數人。數欲殺好義。爲賤復讐。丙不能止。以便宜出喜知興州。及好義守西和。喜遣其死黨劉昌國聽節制。好義與之酬酢歡飲。達旦忽心腹暴痛。洞瀉死。而昌國遁矣。既歿。口鼻爪指皆青黑。居民莫不冤之。事聞。贈檢校少保。諡忠壯。錄子孫爲官。給田以贍其家。既而昌國白曰。見好義持刃刺之。驚怖仆地。疽發。遂死。喜嘗出兵於船柵嶺。鋒未及交。乘軍先遁。金人遂由黑谷長驅入境。朝廷慮喜爲變。移荆鄂都。制以惡疾終。

張詔與威俱成州人。詔字君卿。少隸張俊帳。下積功。除荆鄂諸軍都統。制守和州。嘗被旨聘金。有符祐獻二陵像。至館中。皆效北地戎服。詔北向再拜。館者問之。荅曰。詔雖不識其人。但龍鳳之姿。天日之表。決非北朝祖宗也。敢不敬拜。孝宗聞而嘉之。因得驟用。丘壘奏革世將之忠。紹熙五年。趙汝愚余端禮奏。吳挺已死。起復長子曦。知和州。不令奔喪。除詔成州團練使。興州都統制。知州事。兼西路安撫司公事。副以都統制李仁廣在任。甚

得士心六年卒 威字德遠初起行伍為選鋒軍騎兵帥郭杲言其才勇開禧用兵與金人戰輒捷補本軍將領金人聞其名畏懼之每戰酣則精采愈奮兩眼皆赤時號張鵬眼立淨天鵬旗以自表不操他兵存木楛號紫大蟲圍而不刃長六尺揮之掠陣敵皆披靡與賊誅從李貴復西和州率眾先登敗金人于板橋遂拔之升為統制威名大振會升天水縣為軍帥以為守屢立奇功充利州副都統制父憂服除帶御器械久之調荆鄂都統制襄陽駐劄荆鄂多平川廣野威曰是彼騎兵之利也鐵騎一衝吾步卒技窮矣乃自創戰法名撒星陳分合不常聞鼓則聚聞金則散凡騎兵至則聲金一軍分為數十簇敵隨而分兵則又鼓而聚之倏忽之間分合數變金人失措然後縱擊之以此輒勝嘉定十二年金分兩道入蜀犯狄池堡又犯白環堡

威部將石宣董焯連卻之既而又犯成州時興元都統吳政戰死代者李貴亟走武休金人連破之遂陷興元大安利路安撫丁焞亟遺書招威救蜀又檄忠義總管李好古捍禦值威弟彪亦任統領好古與彪遇責以嘗棄逃竹關斬彪威聞按兵不進焞語僚佐曰政已死貴復敗金人所憚惟威奈何擅殺其弟致失威心今可無好古不可無威因其入見斬之再書速威威感激夜半調發鼓行而前破金人于金斗鎮金雖敗未退威頓兵不動潛遣石宣等襲于大安軍又被之俘其將巴士魯大將包長壽聞之宵遁興元叛兵張福莫簡作亂以紅帕蒙首號紅巾隊入利州掠閬與果州薄遂寧權府事程遇孫遁賊遊騎在潼漢界將窺成都安丙檄威東進自劬縣至廣漢提精兵六千盛暑休士三日賊又轉入普州守臣張已之遁賊乃屯茗山威進



兵絕其糧道晝夜迫逐擒福等十七人簡自殺賊平授揚州觀察使丙遣與西夏夾攻金人威謂金人尚彊夏人反覆未可輕動丙不聽卒遣之無功而還丙怒奏罷其兵是歲卒于利州其御軍紀律嚴整兵行常若銜枚罕聞其聲每與百姓避路買食物則賈倍於市迄無敢喧晚以瞽欲多疾故不壽

趙方字彥直衡山人父棠少從胡宏學慷慨有大志嘗見張浚於督府累以策言兵事浚奇之欲授以官棠不屈命子杅與棠交方遂從杅學淳熙初登進士調蒲圻尉轉大寧監教授勤於訓迪授青陽令告其守曰催科不擾是催科中撫字刑罰無差是刑罰中教化人謂名言京湖帥李大性辟知隨州蝗旱相仍禱雨輒應擢提舉京西常平自以賦性過剛事提刑劉光祖以師禮每言見劉公使人更和緩因爲書勤謹和緩四字揭坐隅以爲戒名爲金部員外郎加直祕閣湖北運判兼知鄂州增脩三海八閘以壯形勢進祕閣脩撰知江陵兼權荆湖制置司知金將南徙日夜爲備荆門東西有兩山險要築堡其上增戍兵以遏其衝進右文殿脩撰金樊快明謀歸宋追兵至襄陽方遣孟宗政扈再興邀以百騎殺千餘人遁去權工部侍郎寶謨閣待制京湖制置使兼知襄陽與子范抗疏主戰陳其不可和者七金圍棗陽遣宗政再興等援之仍增戍光化信陽均州以聯聲勢與棗陽守趙觀夾擊敗金人於城外圍遂解申傍諸將各以部分遏於境上不可使之入而後拒時方麥熟遣兵護民刈獲清野以俟金將完顏賽不兵號十萬犯隨州棗陽劉世興敗之于磨子平相持踰年無日不戰諸將表裏合謀許國自南山進世興李琪出北門會之張威自滾河進再興出南門會之拈

角追擊金人遂潰光化守潘景伯亦設伏敗金人于趙家橋宗政又破之于隨州鴨兒山擒賽不妻弟王醜漢金人遂誅賽不以功遷龍圖閣待制封長沙縣男賜食邑金復命訛可圍棗陽塹其外繞以土城宗政在城中日夜鏖戰焚其攻具敵不敢近方計金人空穴而來若擣其虛其圍自解乃命國向唐州再興向鄧州子范監軍葵後燬師由光化境出砦于三尖山拔順陽金率衆仰攻大敗東西兩道並進掠唐鄧境焚其城柵糧儲棗陽城堅金頓兵八十餘日方知敵氣已竭召諸將還併東師隸于再興尅期合戰遂敗之灤河又敗之城南宗政出城夾擊殺其衆三萬金人大潰訛可單騎遁獲貲糧器甲不可勝計進煥章閣直學士奏乞均官民軍兵廩給自備馬者倍之民兵復歸以省月給秋復詣屯守禦詔從之方料金人棗陽失志必將竝攻諸城當先發以制遣國部將卬律均與戰于北陽戮金將李提控金兵至樊城再興陣以待之金人三日不敢動駙馬阿海犯淮西樞密完顏小驢屯唐州爲後繼方使再興發棗陽兵擊其西國發桐栢兵擊其東斬小驢圍其城五匝垂下會斬黃繼陷趣方遣救亟命國保鄂再興援淮西國還鄂保江再興軍至斬之靈山伺金人歸擊之士豪祝文蔚橫突入陣金人大敗國遣張寶將兵來會李全等軍亦至金迺潰歸進方顯謨閣直學士大中大夫權刑部尚書紹定三年得疾進徽猷閣學士京湖制置大使力疾犒師第其功上之疾革引再興卧内勉以協心報國二月庚戌有大星隕卒于襄陽贈銀青光祿大夫累贈太師謚忠肅方自起儒生藩屏一方持軍令嚴禁諸將毋飲酒當使日日可戰淮蜀沿邊屢遭禍而京西一境獨全故其設也人

皆惜之。四子董蕤、范葵、范字武仲，少從父軍中，命監唐鄧兵。宗政問金人在蘄黃，而令攻唐鄧，何也？范曰：兵法善戰者伐謀，輟襄陽之備以救蘄黃，則唐鄧將躡吾後。且蘄黃之寇正銳，若先擣唐鄧，以未有餘使，應我不暇，則吾固不守而自固。寇在蘄黃，師日以老，然後回師，感之可決勝而無後患矣。已而果捷於久長，授制置安撫司內機事。父憂起，直祕閣，通判揚州，爲軍器監丞，知光州，入爲太宗正丞，刑部侍郎，試將作監，權知鎮江，進直徽猷閣，知揚州，兼淮南安撫副使。時欲脩軍政，懼劉全、王文信二軍老幼留揚，其徒漏泄，乃時餽勞二家，遺徐晞稷書，令挈家歸楚，從之有孫海者，衆亦八百，併請抽還楚州，請朔馬軍三千，招游手強壯，并牢城重役人充之，又籍民伍爲步兵。彭義斌使統領張士顯見范，請合謀討李全。范告制使趙善湘曰：義斌感全如山，壓卵然必請而後討，知有朝廷也。莫若移揚州增戍之兵往盱眙，留四總管兵半以備金人，餘皆起發，擇一能將統之，命葵摘淮西精銳萬人與會于楚州，出許浦，海舟五十入淮，以斷賊歸路，密約義斌攻之，事無不濟。四總管權位相侔，劉瑛雖能得其歡心而不能制其死命，如用瑛須令親履行陣，不可坐籌帷幄不聽。又上丞相書，若朝廷不欲張皇，則范乃提刑職在捕盜，但令以本路兵措置楚州，贖賊當調時，青張惠兩軍之半及其船數百徑薄楚州，以遏賊路。則夏全、范成進之半據漣海而守之，移揚州之戍以戍盱眙，然後親提精銳雄勝強勇等就時青于城外，示以形勢，論以禍福，賊必自降。若猶拒守，則南北軍民雜處，必有內應者。別約義斌撫歸附家屬，以離其黨。不出半月，此賊必亡。雖不調許浦水軍，但得趙葵三千人亦足矣。

若朝廷憚費則全有豫買軍需錢二十萬在真州及漣楚積聚多自足用彌遠報書令諭四總管各享安靖之福范所遣計議官聞之曰但恐禍根轉深耳各揮涕去會全且至范又獻計曰撫機不發事已無及昔侯景困喪河南致毒蕭氏全若不得志於義斌復慮四總管應之歸據舊巢其謀必急然感之於喪敗之餘者易圖之以休息之後者難矧四總管合謀章露必難遂已若廟筭果定不欲出教令但得密賜指授轉約義斌使從彼所攻其必救則機會在我而前日之策可用矣還報戒范無出位專兵范乃爲書以謝曰今上自一人下至公卿百執事又下至士民軍吏無不知賊之必反賊亦見范爲備畏忌而不敢動他日必將指范爲首禍激變之人劫朝廷以去范廟堂始雖未之信也苟左右卿大夫皆以爲然必且曰何惜一趙范而不以紓禍將縛范以授賊爲漢晁錯不難矣諺曰護家之術盜賊所惡欲望矜憐別與閑慢差遣彌遠得書爲之動心二年春奉祠三年復知安慶未行改池州兼江東提舉常平彌遠亟訪將材於葵葵以范對進直敷文閣淮東提刑兼知滁州范曰弟薦兄不順以母老辭復上書曰淮東之事日異月新然存淮則存江無淮則長江以北港汊蘆葦之處敵人皆可潛師以濟江廣數千里何從而防哉今或謂異辭厚惠可以啗賊而不知陷彼欸兵之計或謂歛兵退屯可以緩賊而不知成彼深入之謀或以賊謂乍順乍逆而爲喜懼或以賊兵乍進乍退而爲緩急皆失策也失策則失淮失淮則失江其失有不可勝諱者矣夫有遏寇之兵有游擊之兵有討賊之兵若實應之逼山陽天長之逼盱眙須各增兵萬人統以良將賊來則堅壁以挫其鋒不來則

耀武以壓其境而又觀釁伺隙時遣偏師掩其不備以示敢戰賊雖欲深入畏吾擣虛此遏寇之兵也盱眙之寇素無儲蓄敵亦無食以養不過分兵鹵掠當量出精兵授以勇校募土豪出奇設伏以勦殺之此游擊之兵也淮揚金陵合肥各聚二三萬人人物必精將校必勇器械必利教閱必熟紀律必嚴賞罰必公信能行此半年可以強國一年可以討賊矣賊既不能深入鹵掠復無所獲而又懷見討之恐則必反而求贍於金金無餘力及此則必怨之怒之而吾可以嫁禍於金矣或謂揚州不可屯重兵恐連賊禍是不然揚州者國之北門一以統淮一以蔽江一以守運河豈可無備哉今若設寶應天長二屯以扼其衝重二三帥闕以張吾勢賊將不知所攻而敢犯我揚州哉書奏

名范稟議令節制防江水步軍池州都統司軍馬紹定元年試將作監父憂起復知鎮江復值母憂直徽猷閣淮東安撫副使

知揚州又爲書告廟堂請罷調停之議檄沿江制司調王明本軍駐泰興港以扼泰州下江捷徑檄射陽湖人爲兵屯其半高郵以制賊後半屯瓜洲以扼賊前速調淮西兵合滁陽六合諸軍圖救江面乃許刺射陽湖兵二萬就聽節制又遣善湘書今日與宗社同休戚者在內惟丞相在外惟制使與范及葵耳賊若得志此四家必無存理於是討賊之謀遂決賞功權兵部侍郎江淮制司參議官六年拜工部侍郎兼中書門下檢正公事端平初議圖中原進工部尚書沿江制制副使移司黃州尋兼兩淮制置使節制巡邊軍馬進端明殿學士京河關陝宣撫使知開封府東京留守入洛師潰授范京湖安撫制置使兼知襄陽范至則倚王旻樊文彬李伯淵黃國弼數人爲腹心邊防一

切廢弛范夫於撫御王旻等相繼內叛言者劾降三官落職奉
祠再降兩官建寧居任嘉熙三年叙復官職與宮觀四年知靜
江府卒于家

扈再興字叔起淮人有膂力善機變起家土豪每出戰必被髮
肉袒徒跣揮雙刃奮呼入陣人馬辟易授神勁統制嘉定十年
金人犯襄陽制置趙方檄神勁報捷忠義三軍禦之金人來自
閩山勢如風雨同孟宗政陳祥分三陣設伏以待既至再興中
出一陣復卻金逐之宗政與祥合左右兩翼掩擊敵三面受兵
大敗血肉枕藉山谷間又犯棗陽命再興率師赴援金人聞風
夜潰既而益兵數萬復圍城相持九十日再興夜布鐵蒺藜于
地黎明佯遁敵馳躡十七八却走追至十五里岡已而攻城東
隅薄南門北角復與宗政劉世興各當一面戰數十台大敗敵

守壻者佯走金人爭壻急擊之多墮水中金人射對樓鵝車革
洞决濠水運土石填城下再興募死士著鐵面具披氈列陣以
待敵計無所施而去棄其輜重滿野大戰于范家莊金敗追至
泊湖禽其僞巡檢亢師禮僞酒監納福昌降其壯丁獲牛馬
甚衆自是無日不戰又破順昌縣奪甲馬三破浙川鎮殺金人
三百追至馬橙砦焚其城柵又敗其護駕騎軍于漢河入鄧州
破高頭城敗步軍五十騎軍五百焚其積聚遂營于高頭進攻
唐州至三家河金騎軍二千步軍七千出城迎戰又敗之死者
十七八追及城下遇金將從義收殘騎三百奔城再興復據門
力戰斬之遂圍唐州分兵焚蕩州境截其歸路砦于久長巖陳
以待追逐六十里獲其副統軍廣威將軍納達乃斂金兵燭髀

立人頭埃尋以病卒于世達亦以名將稱至都統制
孟宗政字德夫絳州人父林從岳飛至州棗陽因家焉自幼
豪偉有膽略起家土豪常出沒疆場間未嘗學兵法而暗與之
合好賢樂善出於天性有功者怨必賞有罪者親必罰開禧二
年金將完顏董犯襄郢率義士據險邀擊奪其輜重宣撫吳玠
奇之補承節郎趙方吳柔勝皆薦其才轉秉義郎京西鈐轄駐
劄襄陽與再興陳祥蹀血以戰金兵敗走尋報棗陽圍急宗政
午發峴首遲明抵城馳突如神金人駭遁方聞大喜差權棗陽
軍初視事一僕犯令立斬之軍民股栗益築隄積水修治城堞
簡閱軍士金帥賽不擁步騎圍城與再興合兵角敵敗之于尚
家川歷三月大小七十餘戰身先士卒厚募壯士乘間突擊伏
兵城東金人盛兵薄城宗政隨方力拒再至再北適隨守許國
援師至白水鼓聲相聞宗政率諸將出夾攻敵大奔潰賜金帶
轉武德郎次年訛可復擁步騎傅城募砲手擊之一砲輒殺數
人金選精騎二千號弩子手擁雲梯天橋先登陷城穴地道宗
政皆隨計設備禦之列勇士以長槍勁弩擣其衝以長戈舂其
喉自斲至是死傷踵接梯橋盡燬金人連不得志俄乘順風渡
濠飛脂葦燒戰棚將士血戰凡十五陣殲金兵千餘弩子手十
七八射其都統殪之會王大任領銳卒一千冒重圍轉鬪入城
內外合勢士氣大振賈勇入金營自晡至三更橫屍徧地奪印
十有六紐訛可棄帳走獲輜重牛馬萬計升武功大夫兼開門
宣贊舍人重賜金帶制置司以湖陽縣迫敵境檄宗政圖之一
鼓而拔擒其千戶趙典兒燔積聚填營砦俘掠以歸金人自是
不敢來窺襄漢棗陽尋代許國為荆鄂都統制仍知棗陽敵迫

濠而陳廼於西北濠外瀦水為濘以限敵騎威行境外中原遺民歸者不可勝數皆發廩以贍朔屋與居籍其勇壯二萬餘人號忠順軍轉右武大夫團練防禦使以病疽卒邊人罷市慟哭子璟珙瑛璋皆任兵官 珙字璞玉屢以功補進勇副尉訛可來攻棗陽珙登城射却之宗政命珙取間道劫金營破砦十八斬首千餘級大獲軍器以歸升下班祇應入謁制置使趙方奇之辟光化尉轉進武校尉授承信郎父憂起復歷成忠忠翊二郎差峽州兵馬押監兼在城巡檢京湖制置司差提督虎翼突騎軍馬又辟京西第五副將權管神勁左右軍統制代江海總父所招忠順軍士分其軍為三衆乃帖然紹定元年珙白制司朔平堰于棗陽自城至軍西十八里由八疊河經漸水側水跨九阜建通天槽八十三丈溉田十萬頃立十莊三轄使軍民分屯歲收十五萬石又命忠順軍家自畜馬官給芻粟馬益蕃息二年升京西第五正將棗陽軍總轄明年差京西兵馬都監母憂起復京西兵馬鈐轄駐劄棗陽仍總三軍六年元將那顏儗魯追金主完顏守緒逼蔡檄珙戍鄂討金唐鄧行省武仙仙時與武天錫及鄧守移刺瑗相掎角欲迎守緒入蜀犯光化鋒剽其天錫本鄧農夫乘亂聚衆二十萬為邊患珙逼其壘一鼓拔之壯士張子良斬首以獻俘其將士授江陵副都統制賜金帶制司檄問邊事珙謂金人若向呂堰則八千人不為少然須木查騰雲呂堰等砦皆受節制乃可濟已而果犯呂堰珙喜曰吾計得矣亟命諸軍追擊呂堰進逼大河退逼山險砦軍四合金人棄輜重走斬獲甲士馬牛橐駝不可勝計瑗遣部曲馬天章奉書請降盡獻鄧之縣鎮戶口官吏馬步軍迎珙入城瑗伏階



下請死。珙爲易衣冠以賓禮。見金順陽令季英亦以縣降。申州安撫張林以州降。珙言于制司歸附之人宜各因其鄉土而使之耕。因其人民而立之長。少壯籍爲軍。才能者分以土地。任以職使。各招其徒固守。且殺敵勢。七月己酉。仙將劉儀領壯士二百降。珙問虛實。儀言仙所據九砦。其大砦石穴山。以馬蹬沙窩。峭山三砦蔽其前。三砦不破。石穴未易圖也。若先破離金砦。則王子山砦亦破。峭山沙窩孤立。三帥成禽矣。珙翼日遣兵向離金。盧秀執黑旗帥衆入。金不疑爲宋軍。因分據巷道。大呼縱火。掩殺幾盡。是夜壯士楊貴等擣王子山砦。護帳軍酣寢。王建入帳中。斬金將小元帥首。丙辰出師馬蹬。遣樊文彬攻其前門。成明等邀截西路。一軍圍紇石烈。一軍圍小總帥。砦火燭天。殺僂山積。逸去者復爲成明伏軍所得。凡獲壯士老少萬二千三百。師還至沙窩。西與金人遇。復大捷。是日三戰三克。未幾丁順等又破默候里砦。珙召儀問曰。此砦旣破。板橋石穴必震。汝能爲我招之乎。儀曰。晉德與花腿王顯金鎮撫安威故舊。招之必來。乃遣德行。威見德叙情好甚歡。介德往見顯。顯卽以書乞降。德復請珙遣劉儀候之。顯軍五千猶未解甲。珙令作栲栳陣。入周視良久。乃云。如素所撫循者。饗以牛酒。皆醉飽歌舞。珙料武仙必上峭山絕頂窺伺。詰旦令文彬奪山。駐軍其下。前設伏。後遮歸路。已而仙果引衆登山。及半。文彬麾旗。伏兵四起。仙衆失措。枕藉厓谷。山爲之頽。殺其將兀沙惹。擒七百三十人。棄鎧甲如山。薄暮。珙進軍至小水河。儀還具言。仙不欲降。謀往商州。依險以守。珙曰。進兵不可緩。夜漏十刻。召文彬等受方略。明日攻石穴。九砦。蓐食啓行。文彬患積雨未霽。珙謂此雪夜。擒吳元濟時。

也策馬直至石穴分兵進攻自寅至巳九砦俱破仙走追及於
鮎魚砦易服而遁復戰于銀葫蘆山又敗仙與五六騎奔追之
不見降其衆七萬獲甲兵無筭還軍襄陽轉脩武郎鄂州江陵
副都統制元遣宣撫王穢約共攻蔡制置使謀於珙請以二萬
人行因命盡護諸將金二萬騎由真陽橫山南來珙鼓行而前
穢敗卻走追至高黃陂斬首千二百級僞蓋遣兔花忒沒荷過
喜阿悉三人來送珙與射獵割鮮而飲馳入其帳僞蓋喜結爲
兄弟酌馬酒飲之約南北軍毋相犯僞蓋遣萬戶張柔帥精兵
五千入城金人鈎二卒以往柔中流矢如蜩珙麾先鋒救之挾
柔以出黎明進逼石橋鈎致生俘郭山戰少却金人突至珙躍
馬入陣斬山以徇軍氣復張殊死戰進逼柴潭俘金人百有二
斬首三百餘級翼日命諸將奪柴潭樓拔之蔡人恃潭爲固外
印汝河潭高於河五六丈城上金字號樓伏巨弩珙謂麾下曰
伏弩能及遠不可射近彼所恃此水耳決而注之澗可立待實
以薪葦遂濟師獲其殿前副點檢溫端礫之城下進逼土門金
驅其老稚熬爲人油砲人不堪其楚端平元年正月辛丑黑氣
壓城上日無光時城中絕糧已三月鞍韉敗鼓皆糜煮聽以老
騾五食及斬敗軍全隊拘其肉以食故欲降者衆珙下令諸軍
衛收分運雲梯布城下巳酉珙帥師向南門至金字樓列雲梯
馬義先登趙榮繼之萬衆競登大戰城上降其丞相烏古論栲
栲殺元帥兀林達及偏裨三百開西門招僞蓋入守緒見城已
危先取寶玉寘小室環以草號泣自經煙焰未絕珙等共分其
骨得金鑑寶玉帶金銀印牌還軍襄陽特授武功郎主管侍衛
馬軍行司公事建康府都統制留屯襄陽兼領鎮北軍俄令赴

樞密院稟議授帶御器械兼知光黃二州厚賚遣還朝辭上曰卿名將之子忠勤體國破蔡滅金功績昭著問恢復對曰願陛下寬民力蓄人才以俟機會問和議對曰臣介冑之士當言戰不當言和三年至黃增埤浚湟蒐訪軍實軍民來歸者厚加賑貸又慮兵民雜處因高阜爲齊安鎮淮二砦以居諸軍朔章家山母家山兩堡以居先鋒虎翼飛虎軍俄兼主管安撫司公事節制黃蘄光信陽四郡軍馬元兵攻蘄琪遣兵解其圍又攻襄陽隋守張龜壽荆門守朱楊祖郢守喬士安皆委郡去復州施子仁死之江陵危急詔沿江淮西遣援衆謂無踰琪者乃先遣張順渡江琪以全師繼之元兵分兩路一攻復州一在枝江監利編筏窺江陵琪變易旌旗服色循環往來夜則列炬照江數十里相接遣外弟趙武等進戰琪自往節度破砦二十有四還民二萬嘉熙元年封隋縣男擢高州刺史忠州團練使兼知江陵京西湖北安撫副使元將咸浚解入漢陽境口溫不花入淮甸蘄守張可大舒州李士達委郡去光守董堯臣以州降合三郡人馬糧械攻黃守王鑑帥萬文勝戰不利琪入城軍民大喜曰吾父來矣駐城樓指畫戰守卒全其城斬逗留者以徇御筆賞將士賜珙金盃白金琪分賜諸將士皆感泣二年春授寧遠軍承宣使鄂州江陵諸軍都統置司松滋詔三軍勲勞趣其來未幾授樞密副都承旨京西湖北路安撫制置副使督視行府參謀官兼知岳州檄江陵節制司擣襄郢是年張俊復郢州賀順復荆門軍十二月壬子劉全戰于冢頭戰于樊城戰于郎神山屢以捷聞三年曹文鏞復信陽軍劉全復樊城遂復襄陽授樞密都承旨改制置使兼知鄂州全遣譚深復光化軍息

蔡降珙命以兵逆之得壯士百餘籍爲忠衛軍初詔珙收復京襄珙謂必得郢然後可以通魏饒得荆門然後可出奇兵由是指授方畧發兵深入所至以捷聞珙復奏取襄不難而守爲難襄樊朝廷根本今百戰而得之當加經理如護元氣非精兵十萬不足分守乃置先鋒軍隸以襄郢歸順人庚寅謀報元兵欲大舉臨江珙策必道施黔以透溯湘請粟十萬備給軍餉用二千人屯峽州千人屯歸州忠衛舊將晉德自光化來歸珙獎用之弟瑛以精兵五千駐松滋爲夔萬聲援遣于德興增兵守歸州隘口萬戶谷元兵自隨闕江珙密遣劉全拒敵遣伍思智以千人屯施州元大將塔海并禿雪帥師入蜀號八十萬珙增置營砦分布戰艦遣張舉提兵間道抵均州防遏俄元兵度萬州湖灘施夔震動珙兄璟時爲湖北安撫副使知峽州兼以書謀備禦珙請于督府帥師西上璟調金鐸一軍迎拒于歸州大壩

砦劉義捷于巴東之清平村珙弟璋選精兵二千駐澧州防施黔路四年進討于條上流備禦宜爲藩籬三層乞剏制置副使及移關外都統一軍於夔任涪南以下江面之責爲第一層備鼎澧爲第二層備辰沅靖桂爲第三層峽州松滋須各屯萬人舟師隸焉歸州屯三千人鼎澧辰沅靖各五千人郴桂各千人如是則江西可保又遣楊鼎張謙往辰沅靖三州同守倅曉諭熟蠻講求思播施黔支徑以圖來上會謀知元兵於襄樊隨信陽招集軍民布種積船材于鄧之順陽乃遣張英出隨任義出信陽焦進出襄分路撓其勢遣王堅潛兵燒所積材遣張德劉整分兵入蔡火其積聚拜寧武軍節度使四川宣撫使兼知夔州節制歸峽鼎澧州軍馬招集麻城縣巴河安樂磯營公店淮

民數百皆沿邊經戰之士號寧武軍令璋領之進封漢東郡侯兼京湖安撫制置使回鶻愛里八都魯帥壯士老稚人馬來降翔飛鶻軍改愛里名艾忠孝釐蜀政之弊爲五條班諸郡縣乃擇險要立砦柵集流離安耕種立賞罰以課殿最俾諸司奉行之又兼夔路策應屯田大使調夫築堰募農給種由歸峽至漢口爲屯二十爲庄百七十爲頃十八萬八千二百八十其始未與所減兵食之數降詔獎諭靖州獠林賽良爲亂遣王瑀平之淳祐二年淮東受兵樞密俾珙應援遣李得帥精兵四千赴之子之經監軍諜知京兆府也可那延以騎兵三千經商州取鶻嶺關出房州竹山遣王令屯江陵尋進屯郢劉全屯沙市提千人自荆門出齋十日糧取道南漳入襄與諸軍合元兵至三川珙下令應出戍主兵官不許失棄寸土權開州梁棟乏糧請還怒其棄城使高達斬首以徇元兵至瀘命重慶分司發兵應援遣張祥屯涪州拜檢校少保進封漢東郡公珙言京湖有三憂其一沅之險不如辰靖之險不如沅三州皆當措置而靖尤急今粒米寸兵無所從出二江防上自秭歸下至壽昌亘二千里自公安至峽州灘磧凡十餘處隆冬水涸節節當防三今尺籍數虧既守灘磧又守關隘荆襄國之藩表如其有虞非但失一郡當傾國爭之若非增兵八萬併力備禦雖韓白復生無所展巧余玠宣諭四川道過珙言重慶積粟少珙餉以屯田奉十萬石五年御筆以職事脩舉轉行兩官許令回授移鎮江陵既至登城歎曰江陵所恃三游已變爲桑田白城以東直至三汭無所限隔敵一鳴鞭卽至城外迺脩復內隘十有一別作十隘於外漳水舊自城西入江因障而東之俾遶城北入于漢三游

遂通爲一。隨其高下。爲賈蓄泄。三百里間。渺然巨浸。土木之工。百七十萬。民不知役。繪圖上之。尋乞歸。不允。初所招鎮北軍。駢襄陽李虎王旻軍亂。鎮北亦潰。歎曰。三十年收拾中原人。今志不克伸矣。病遂革。六年九月朔。大星隕于境。聲如雷。越戊午。遂薨。其女大風。發屋斫木。帝震悼。輟朝。賻銀絹。特贈少保。三贈太師。追封吉國公。諡忠襄。廟曰威愛。生平忠君體國之念。可貫金石。在軍中。與叅佐部曲論事。言人人異。徐以片語折衷。衆志皆愜。值襄蜀蕩析。士無所歸。蜀士聚於公安。襄士聚於郢渚。乃作公安南陽兩書院。以沒入田廬隸之。使有所教養。請帝題其榜。賜焉。京襄死節死事之臣。請于朝。建祠岳陽。歲時致祭。賜名閔忠廟。謁客遊士。老校退卒。一以恩意撫接。建鼓旗。臨將吏。面色凜然。無敢滯垂者。退則焚香掃地。隱几危坐。若蕭然事外。遠貨色。絕滋味。其學邃於易。六十四卦。各繫四句名警心。易贊亦通佛學。自號無庵居。寸子之經。任策應司都統。兼知江陵。

畢再遇。字德卿。兗州人。父進。從岳飛護衛入陵。轉戰江淮間。積階至武義大夫。再遇以恩補官。隸侍行馬司。武藝絕人。挽弓至二百七斗。背挽一石八斗。步射二石。馬射一石五斗。孝宗召見。大悅。賜戰袍金錢。開禧用兵。招撫郭倪。遣與統制陳孝慶取泗州。遇新刺敢死軍爲前鋒。尅日進兵。金人聞之。閉榷場塞城門。再遇計兵以奇勝敵。已知平濟師之。日當先。日出其不意。乃同孝慶饗士卒。激以忠義。進薄泗州。泗有東西兩城。再遇令陳戈旗舟楫如欲攻西城者。自以麾下兵從陡山徑趨東城南角。先登殺敵金人大潰。守城者開北門遁。西城猶堅守。再遇立大將旗呼曰。大宋畢將軍在此。爾等中原遺民。可速降。旋有淮平。

知縣絕城乞降於是兩城皆定倪親饗士出御寶刺史牙牌以授力辭不受除環衛官命取徐州行至虹聞我師不利統制田俊邁已為敵擒進次靈壁遇孝慶駐兵鳳凰山將引還說曰兵家勝負不常豈宜遽自挫吾奉招撫命假道於此寧死靈壁北門外不死南門外也會得倪檄令班師再遇曰郭俸李汝翼軍潰賊必追躡吾當自禦之金果以五千餘騎分兩道來再遇令敢死二千入守北門自領兵衝敵陣手揮隻刀絕水追擊殺敵甚衆甲裳盡赤逐北三十里遇金將持雙簡躍馬而前以左刀格其簡右刀斫其脇將墮馬死衆遂遁去諸軍發靈壁再遇獨留未動度行二十餘里乃舉火諸將安行無虞論功第一授達州刺史自武節郎超武功大夫除左驍衛將軍已而倪還維揚復棄泗州命再遇知盱眙軍尋改鎮江中軍副都統制金步騎數萬戰船五百糧艘三千渡淮泊楚州淮陰間宣撫丘密復檄援楚再遇計敵衆十倍難以力勝可以計破乃遣統領許俊間道趨淮陰夜二鼓銜枚至敵營各携火潛入伏凡五十餘所聞哨聲齊發敵驚擾奔竄大兵繼之生擒烏古倫師勒蒲察元奴等二十三人金人又破安豐再遇語諸將曰楚城堅兵多敵糧草已空所慮獨淮西耳六合最要害彼必并力來攻亟引兵赴之金果至竹鎮距六合二十五里再遇登城偃鼓伏兵南土門列弩手土城上敵方臨濠衆弩俱發城上旗幟並舉遂驚遁俄萬戶完顏蒲辣都千戶泥龍古等以十萬騎駐成家橋馬鞍山圍城數重欲燒壩木决壕水再遇令勁弩射退之既而紇石烈合兵進攻益急城中矢盡乃令人張青蓋巡城上敵意為至兵官爭射之獲矢二十餘萬金益增兵環城四面營帳亘三十里



再遇臨門作樂以示間暇而間出奇兵擊之敵晝夜不得休引退再遇度必復來自提兵奪城東野新橋出敵之背金遂遁去追至滁大雨雪乃旋獲騾馬鞍甲旗幟授忠州團練使鎮江都統制兼權山東京東招撫司事還至揚州金圍楚已三月列屯六十餘里再遇遣將分道撓擊軍聲大振楚圍解兼知揚州淮東安撫使揚州有北軍二千五百人請分隸建康鎮江軍使不得為變更造輕甲長不過膝披不過肘兜鍪亦殺其重馬甲易以皮車牌易以木而設轉軸其下使一人之力可推可擊務從便捷敢死一軍本烏合亡命以能駕馭得其用陳世雄許復皆所薦張健雄恃勇桀驁罪狀于朝以軍法戮之諸將懾服嘉定元年除左驍衛上將軍保康軍承宣使降詔獎諭尋提舉佑神觀以武信軍節度使致仕卒年七十贈太尉累贈太師諡忠毅

生平姿貌雄傑早以拳力聞一旦值邊事起諸將皆望風奔竄再遇威聲始著遂為名將云



再遇... 宋四之一... 皇清翰林院侍講學士四世孫遠平校閱... 弘簡錄卷一百二十四

弘簡錄卷一百二十四

明刑部員外郎仁和弘齋邵經邦學

皇清翰林院侍講學士四世孫遠平校閱

一侍從 宋四之一

張培父直 實儀父禹鈞 陶毅 扈蒙 聶從義尹拙

王著 王易簡 趙上交子曠 邊歸謹 劉濤

楊昭儉 劉熙古子蒙正 魚崇諒 張澹

高錫從子 劇可久 蘇曉 趙逢 崔頌子曠

和峴弟蒙 賈黃中 李穆子惟簡 安德裕

張昭本名昭遠字潛夫濮州范縣人祖楚平壽張令調赴長安因亂不知所終父直自秦抵蜀徒行丐食求十餘年不能得乃發哀行服隱居不仕青州王師範延置以周易春秋教授學者

時號逍遙先生。昭七歲能誦古樂府詠史詩。甫冠徧覽九經。盡通其義。處儕類中。緩步闊視。自以馬鄭不若也。後至贊皇。遇程生者。專攻史學。言昭但究經旨。不通今古。率多拘滯。若極談王霸。經緯治亂。非史不可。因出班馬范書十餘義。商確後。盡得十三史。五七年間。馳騁上下數千百年事。注十代興亡論。遭世方亂。躬耕負米。以給親養。唐莊宗入魏。河朔遊士多自効。昭因至魏。携文數十軸。謁興唐尹張憲。憲家富文集。每燕語講論經史要事。恨相見之晚。署府推官。從憲留守北京。會莊宗及難憲部將符彥超合戍。兵將應明宗。昭語憲得無奉表勸進。爲自安計乎。憲曰。靦顏求生。何面目見主地下。昭曰。此古人之志。公能行之。死且不朽。相泣而去。憲遂死之。時論重其能成憲之節。或執昭送彥超。超曰。推官正人。無得加害。命爲勝安撫軍民事。寧卽以爲留守。推官加內供奉。賜緋。何瓚薦其有史材。嘗私撰同光實錄十二卷。并藏昭宗朝賜武皇制詔九十餘篇。請以所撰送史館。拜爲左補闕。史館修撰。昭以懿獻二祖及太祖。雖不踐阼。補爲紀年錄二十卷。又撰莊宗實錄三十卷。上之優詔褒美。遷都官員外郎。天成四年。又上功臣列傳三十卷。擢知制誥。長興二年。內艱。服除。改職方員外。進中書舍人。賜金紫。預修明宗實錄。遷禮部侍郎。翰林學士。晉祖嘗幸內署。語及并魏舊事。錫賚頗厚。授其父著作佐郎。致仕。遂卒。服闋。詔與呂琦崔梲等續成唐史。撰唐朝君臣正論二十五卷。唐書成。進爵邑。拜尚書右丞。漢初。加檢校禮部尚書。周廣順初。改戶部尚書。坐子秉陽爲翟陽主簿。抵罪。昭自以失教。奉表引咎。左遷太子賓客。世宗以舊德。促其入謁。撰制旨兵法十卷。周祖實錄三十卷。及後唐閔帝

廢帝漢隱帝實錄又令詳定經典釋文九經文字制科條式嘗
 問六璽所出并議三禮祭玉時稱該博恭帝即位封舒國公宋
 初拜吏部尚書乾德元年郊祀為鹵簿使奏復宮闕廟門郊壇
 夜警晨嚴之制禮畢進鄭國公與陶穀同掌選時已老穀嘗誣
 奏李昉引昭為證昭氣直免冠抗論穀罔上太祖不懌以本官
 致仕改封陳國公會平嶺南劉鋹將獻俘莫知其禮特遣近臣
 就問其家方臥病口占以授卒年七十九為人性至孝居喪哀
 毀博通羣書兼善天文風角太一十相兵法釋老之說藏書數
 萬卷尤好纂述自唐晉至宋專筆削典章之任有嘉善集五十
 卷名臣事迹五卷子秉圖進士及第秉謙至尚書郎

寶儀字可象薊州漁陽人曾祖遜玉田令祖思恭媯州司馬父

禹鈞從父禹錫皆以詞學名禹鈞唐天祐末起家幽州後唐
鄧同安鄭華宋濟八州支使判官周初為戶部郎中賜金紫顯

德中遷太常少卿右諫議大夫致仕儀年十五能屬文及長學
 問該博風度峻整兄弟五人相繼登晉天福漢乾祐周廣順進
 士時號寶氏五龍景延廣節度夔州表儀為記室歷從事滑陝
 孟鄆四鎮漢初召為左補闕禮部員外郎周廣順初知制誥遷
 翰林學士禮部侍郎權知貢舉尋以父病乞解官世宗親加慰
 撫手封金丹賜之父卒歸葬洛陽終喪除端明殿學士恭帝改
 兵部侍郎宋初遷工部尚書兼判大理奉詔同修刑統會翰林
 學士王著貶秩上語宰相曰學士非斯人不可然已自翰林遷
 端明矣卿當諭以朕意勉令就職即日再入翰林為學士乾德
 二年范質等三相並罷命趙普為平章事上問質等既罷普勅
 孰當署陶穀建議今尚書乃南省六官之長當署勅儀曰穀所



安能金 卷一百二十四
陳非承平之制皇弟開封尹同平章事卽宰相之任上是儀言
卽命署勅賜之俄加禮部尚書臺議表首當用左右僕射太常
禮院以東宮三師合爲首儀援典故以僕射爲表首者六而三
師無所據朝議是之初乾德改元帝命宰臣擇前代未有者至
三年平蜀帝見入內宮人鏡背有乾德四年字問廷臣無知者
儀對曰此必蜀物其主嘗有此號帝大喜曰宰相須用讀書人
由是益重儒學周祖初平兗州議誅脇從者儀白馮道范質同
請之皆得全活顯德中太祖嘗克滁州世宗遣儀籍其府庫太
祖復令親吏取藏中絹給麾下儀曰太尉初下城雖傾藏以給
軍誰敢言者今旣著籍乃公物非奉詔不敢與太祖後屢對大
臣稱儀有執守欲相之爲趙普所忌四年秋知貢舉冬卒年五
十三上甚痛惜贈右僕射 儼字望之亦自幼能文晉時辟滑
州從事授著作佐郎集賢校理出爲太平軍掌書記內艱服除
拜左拾遺入漢爲史館修撰周廣順初遷右補闕與賈緯王仲
同修晉祖少帝漢祖三廟實錄改主客員外郎知制誥俄除金
部郎中拜中書舍人顯德元年充集賢學士奉使荆南高氏自
唐季以來雖名藩臣車服多僭侈以至司賓賤隸候館小胥皆
盛服影纓與王人充禮儼諷以天子在上諸侯當各守法度悉
令去之然後宣達君命父憂服闋復舊官權知貢舉拜翰林學
士判太常寺世宗詔考正雅樂校鐘磬筦籥之數辨清濁上下
之節復舉律呂旋相爲宮之法迄今遵用宋初轉禮部侍郎知
貢舉撰定祀事樂章宗廟謚號議者服其該博年四十二以疾
卒儼負俊才對景覽古皆形諷誦與儀更迭唱和多至三百篇
恒以道義相敦厲性復夷曠好賢樂善優游策府凡十餘年撰

周正樂成一百二十卷藏於史閣有文集七十卷尤善推步星曆逆知吉凶嘗與盧多遜楊徽之言丁卯歲五星聚奎自此天下太平二拾遺見之儼不及也又言儼家昆弟五人皆登進士第可謂極盛然無及輔相者惟儼稍近之亦不久居位卒如其言有子早卒以姪說為嗣 儼字日章周廣順初補單州軍事判官遷秘書郎宋初歷武寧軍掌書記西京留守天雄歸德軍節度判官開寶六年拜右補闕知宋州嘗作遂命賦以自悼太宗領開封選為判官賈琰為人矯誕儼不樂之嘗因宴會而叱曰巧言令色獨不愧乎因愕然而罷尋改彰義軍太平興國五年車駕幸大名召見拜北都郎中時議北征儼請休兵牧馬以徐圖之上從其言擢為樞密直學士賜第一區六年遷左諫議大夫上猶記曩時責琰直言以為公正七年拜參知政事

是秋卒年五十八駕臨哭贈工部尚書儼後卒起居郎儼

補闕子誣謗誥亦登進士誣至都官員外郎謫至秘書丞
 陶穀字秀實邠州新平人本姓唐遠祖儉祖彥謙以避石敬瑭嫌名改今姓父渙夔州刺史唐亂為邠帥楊崇本所害穀隨母柳氏就育其家自幼才俊十餘歲能屬文起家校書郎單州軍事判官嘗以書干漢相李崧奇之崧凝亦愛其文奏為著作佐郎集賢校理改監察御史分司西京遷虞部員外郎知制誥兼掌內外制詞目繁委言多委愜為當時最性急率嘗與充帥安審信杯酒相失為所奏時方姑息武臣坐責太常少卿俄拜中書舍人頗工天文曆數遇契丹亂脇令同北穀逃匿僧舍陽為行者嘗語同輩西南五星連珠漢地當有王者出又有彗光芒北指契丹主必不得歸從此當自相魚肉其言皆驗歸漢為給



事中乾祐中令常叅官轉對毅言五日上章會非舊制百官叙對且異昌言徒免天聰無益時政欲乞停止羣臣有所聞見卽許不時聞奏從之時李崧自契丹北還毅與蘇逢吉謀誘告崧及弟嶼義皆下獄崧族子昉知其謀以告崧歎曰吾何負於陶氏子哉後崧竟遇禍毅與有力人以是訾其爲人仕周爲右散騎常侍世宗遷戶部侍郎從征太原命代魚從諒爲翰林學士上平邊策言江南封疆密邇當用師剋取世宗忻然聽納遷兵部侍郎學士永吉恭帝將禪位宰相范質等奉宋祖詣崇元殿行禪代禮百官班定猶未有詔毅時在旁曰已成矣乃出詣中其詞曰天生蒸民樹之司牧二帝推公而禪位三王乘時而革命其極一也予末小子遭家不造人心已去天命有歸咨爾歸德軍節度使殿前都點檢趙匡胤稟上聖之姿有神武之畀佐我高祖格于皇天逮事世宗功存納麓東征西怨厥績懋焉天地鬼神享于有德謳歌獄訟歸于至仁應天順人法堯禪舜如釋重負予其作賓嗚呼欽哉祇畏天命改周顯德七年爲建隆元年轉禮部尚書承旨如故然太祖心甚薄之時竇儀有公望慮其軋已嘗附趙普與共排儀乾德二年判吏部銓兼知貢舉上以普獨相欲置副而難其名問於毅曰下宰相一等有何官對曰唐有叅知政事乃以薛居正呂餘慶爲之再爲南郊禮儀使法物制度多所裁定時范質爲大禮使以鹵簿清游隊有甲騎具裝莫知其制以問於毅毅曰梁貞明丁丑歲河南尹張全義獻人甲三百副馬具裝二百副其人甲以布爲裏黃絁表之青綠畫爲甲文紅錦綠青繩爲下幫絳韋爲絡金銅瑛長短至膝前膺爲人面二日背連膺纏以紅錦騰蛇馬具裝蓋尋常

馬甲但加珂拂於前膺及後鞦爾莊宗入洛悉焚毀質命有司如其說造以給用又乘輿大輦久亡其制穀創意造之後承用焉明德門成詔為之記後累加刑戶二部尚書卒年六十八贈右僕射為人強記嗜學博通經史諸子佛老咸所總覽多蓄法書名畫善隸書兼以雋辯宏博大言滑稽然奔競務進能先意所在以獻諛取合人主事無大小必稱美頌贊之至於紫芝白兔之類皆為頌以獻加以傾儉見後學文采者必極言以譽之聞達官有聞望者則巧詆以排之其多忌嫉名類此初度太祖須其禪文必有意大用常曰吾頭顱骨相非常法當戴貂蟬冠時人哂之子戩乾德中考試合格補殿中省人有發其不通書史丁吏案問責及試官併奪穀俸即至起居舍人孫實天禧四年錄試校書郎

軍節度推官父曾內園使蒙少能文晉天福進士入漢為鄂縣簿郭從義討趙思綰命郡縣吏皆戎服見獨蒙衣冠褒博舉止舒緩從義訝之運使李穀言蒙文學名流遂不之問周廣順中趙暉辟掌書記名為右拾遺直史館知制誥宋初由中書舍人遷翰林學士坐請託黜為左贊善大夫遷左補闕掌大名市征建隆六年復知制誥充史館修撰開寶中與李穆等同修五代史詳定古今本草連知貢舉上書言昔唐文宗每召大臣論事必命起居郎及舍人執筆立於殿側以紀時政故文宗實錄稍為詳備至後唐明宗亦命端明樞密學士等輪修日曆送史官本朝每季雖有內殿日曆密院錄送史館然不過臣下對見辭謝而已帝王言動莫得而書緣時制以漏泄為虞昧於宣播史

官疏遠何由與聞望自今凡有裁制之官優恤之言務自宸衷可書簡策者並委宰臣叅政每月輪知抄錄以備史官撰集從之卽命盧多遜典其事九年正月受朝乾元殿降王在列聲名大備蒙撰上聖功頌述太祖受禪及平一天下之功其詞誇麗有詔褒美爲多遜所惡出知江陵太宗召拜中書舍人復翰林學士與李昉同修太祖實錄從征太原還轉戶部侍郎學士承旨雍熙三年被疾以工部尚書致仕卒年七十二贈右僕射爲人性沉厚不言人是非好釋典不喜殺自張昭寶儀後典章儀注皆所刊定然南郊定議復以宣祖配天爲識者所非素有笑疾雖不自禁所著有鰲山集一十卷

龔從

陽人少舉三禮漢乾祐中官禮記博士校定公羊春秋列

秋列

學周顯德中遷司業兼太常博士世宗以郊廟祭器

三禮圖

有司承襲年久無所規式命檢討模畫以聞又詔叅定郊廟祭玉與統領學士竇儼取三禮圖再加考正討尋故實刊正疑訛宋建隆三年上之太祖嘉覽賜詔獎勵仍令詹事尹拙集儒學更同叅議賜紫袍犀帶銀器繒帛拙多所駁正從義復引經釋之悉以下尚書寶儀裁定因而增損列於注釋分爲十五卷以聞詔頒行之復陳祭玉鼎釜異同之說言周顯德中與田敏等按周官玉人之職及阮譔鄭玄舊圖載其制度稱祭天蒼璧九寸圓好祭地黃琮八寸無好圭璋琥並長九寸詔中書省集議尚書張昭等以爲違經立異所列畫圖妄意穿鑿多不見用卒後三禮圖始行於世并所圖畫列於國子監講堂之壁自爲學官兼掌禮二十年世頗推其該博尹拙潁州汝陰人梁貞明年舉三史補下邑主簿攝本鎮巡官後唐長興中召爲著作佐

郎直史館晉天福四年為右補闕與張昭呂琦等同修唐史改
倉部員外郎賜金紫漢初為司馬郎中弘文館直學士周廣順
初遷庫部兼太常博士顯德初拜國子祭酒通判太常禮院復
與昭同修唐應順清泰及周祖實錄又同詳定經典釋文丁憂
免宋初檢校工部尚書太子詹事歷判太府大理二寺遷秘書
監乾德六年致仕為人性純謹博通經史周世宗北征命學士
為文祭白馬祠不知所出遂訪於拙為舉郡國祠白馬者以十
數當時伏其諱博開寶四年卒年八十一子季通國子博士
田敏淄州鄒平人通春秋之學梁貞明中登科調本州主簿安
四門博士後唐天成初轉屯田員外郎兼太常博士與太常卿
劉岳博士段頤路敏等定唐鄭餘慶書儀又與
馬端等同校九經改戶部員外郎賜金紫晉天福四年由國子
司業遷祭酒諱景戶部侍郎弘文館學士漢乾祐中拜尚書
右丞周祖親劾權太常卿世宗拜檢校左僕射如司空請老優
詔不允遷工部尚書太子少保致仕開寶四年卒年九十二生
平篤於經學詳明禮樂博涉典墳為儒學文宗嘗使湖南以甲
本經書遺高從誨謝曰但能識孝經耳敏曰讀書何必多如諸
侯章在上不驕高而不危制節謹度滿而不溢其言至要切中
當時之病從誨大慚然敏好穿鑿所校九經頗以獨見自任世
頗非之子章至殿中丞
王著字成象單父人少有俊才性器達無城府善屬文登漢乾
祐進士周祖鎮大名世宗待行間其名召置門下因得謁見及
鎮瀛州辟觀察支使即位拜度支員外郎充翰林學士家艱起
復恭帝嗣位加金部郎中知制誥賜金紫世宗靈駕赴慶陵符

后從行公務悉資於著以幕府舊僚尤被眷遇宋初拜中書舍人建隆二年知貢舉時亳州獻紫芝鄆州獲白兔隴州進黃鸚鵡著皆獻頌因寓規諫太祖甚嘉之常直宿禁中被酒散髮扣滋德殿門太祖怒黜爲比部員外郎乾德初改兵部郎復知制誥數月加史館修撰判館事三年轉戶部郎中復爲翰林學士再知貢舉卒年四十二生平好與人交嘗延譽後進當世士大夫多稱之

李易簡字國寶京兆萬年人曾祖肅唐劍州祖遠連州父質唐州俱刺史易簡少好學工詩既長介特寡合梁乾化中舉進士授解州年擢第復辟華帥李保衡從事踰年尹皓代保衡易簡仍在幕府會朱友謙叛城中危懼咸請築月城以自固皓恃勇不聽易簡固請乃許版築始畢外城果壞軍民賴之已而罷還久之召爲著作郎改右拾遺上書言出爲州官及推官後

唐伐蜀辟爲巡官改都督府記室叅軍明宗時周帥羅周恭辟掌書記府罷退居華陰秦王從榮素重之語宰相馮道李愚稱其有才豈宜居外召爲祠部員外郎改水部郎中知制誥拜中書舍人晉初賜金紫判弘文館史館事晉祖爲治務求速效易簡上漸治論以諷詔書褒答以論付史館兼知內制拜御史中丞歷尚書左右丞吏部侍郎嘗上言選門格勅條件具存藩府官僚習熟者少凡給文解未曉規程以致選人詣都親求解樣往來政涉乞自今委南曹詳定解樣兼錄長定格下諸州板置州院門每取解時準條式遵行從之晉祖在大梁臺省湫隘易簡奏舉故事一歲得免省錢二百萬緡治造器物號爲舉職周朝諱簡止名易廣順初遷禮部尚書是冬合三銓爲一命易權

判俄改刑部尚書周祖郊命判兵部又命爲上冊寶四廟副使
周祖晏駕爲山陵副使顯德四年以太子少保致仕宋初召加
少傅所居華陰構一鳴堂三品樓優游自適建隆四年卒年七
十九子景讓進士及第至尚書郎
趙上交范陽人本名遠以字稱祖光鄴鄂州錄事叅軍父簡章
涿州司馬上交色黑身長美風儀善談論負才任氣爲鄉里所
推南遊洛陽爲中官馬紹宏北面轉運制置判官遷殿中丞秦
王從榮復表虞部員外郎充六軍諸衛推官累遷司封郎中嘗
諫從榮以恭世子及太子爲戒怒而出之歷涇秦鎮州節度判
官從榮後果及禍僚屬皆斥由是知名晉初召爲左司郎中度
支判官歷右諫議大夫中書舍人知內外制遷刑部侍郎奏言
長輿中詔書凡州縣官詳讞刑獄昭雪人命者不限歲凡赴選
許令超資注官仍賜章服然未該及內外職司乞自今但能事
活冤獄不限中外官並加旌賞俟考滿詣刑部投狀從之俄遷
戶部侍郎拜御史中丞彈舉無所阿避契丹立許王從益爲帝
權主中國以上交爲右丞相契丹去上交請去僞號仍稱許王
俄遣馳表獻款於漢祖授禮部尚書太僕卿遷秘書監周祖監
國命副太師馮道迎湘陰公於徐州廣順初拜禮部侍郎會將
試貢士申明條制頗爲精密始復糊名考校擢扈載甲科取梁
周翰董淳時稱得士轉戶部明年再知舉拒樞密王峻所薦董
子峻怒奏其選士失實改太子詹事顯德初遷賓客拜吏部侍
郎多請告不朝世宗怒免其官宋初起爲右丞建隆二年卒年
六十七蒞官以幹密聞時稱有公輔器雅好吟詠有集二十卷
張昭爲序子曦字可畏七歲喪母過哀十二能屬文廕補千

牛備身歷祕書省著作郎殿中丞卒年二十六有集十卷太宗嘗取以入內

邊歸讜字安正薊人檀州刺史退思之子以儒學名晉祖鎮太

原名置門下表為河東節度推官試秘書郎大理評事天福初

拜監察御史禮部員外郎遷水部郎中賜金紫轉比部知制誥

歷右諫議大夫給事中至右散騎常侍漢初為禮刑二部侍郎

奏史弘肇等怙權專殺告訐成風構害善良有傷風化請明行

條制禁遏誣罔凡顯有被論具陳姓名其匿名書并風聞事並

聲止絕論者韙之周廣順初復遷兵戶二部世宗聞其亮直擢

尚書右丞樞密直學士轉左丞特命為御史中丞歸讜性剛介

號廉直言多忤物宋初遷刑部尚書建隆三年復轉戶部尚書

致仕乾德二年卒年五十七子定雍熙二年進士及第

遺囑緝太常丞史在德上章詞理鄙俗仍犯廟諱濤上言請正

其罪時議是之尋出為山南東道節度判官名授左補闕遷起

居舍人晉天福初改司勳員外郎史館修撰轉工部郎中賜金

紫歷度支職方二郎中掌左藏庫時少帝奢侈常以銀易金廣

其器皿判三司李崧令上庫金之數以元簿較之少數千鎰崧

令有司劾濤事迫以情告樞密桑維翰乃得罰俸一月漢初蘇

禹珪薦為中書舍人周廣順中坐令子監察御史項代草誥命

左遷少府少監分司西京項亦貶復州司戶顯德初就改太常

少卿俄拜右諫議大夫四年再知貢舉會樞密王朴嘗薦劉譜

於濤不納朴啣之飛章言濤取士不精世宗命學士李昉覆試

出者七人責授太子右贊善大夫恭帝遷右詹事與宰相范質

侍從宋一

不協退居洛陽之清化里杜門以書史自娛太宗素知其履行
開寶二年召赴闕以老病求退授秘書監致仕卒年七十二濤
性剛毅不撓善於知人清泰初力薦薛居正於中書舍人盧導
以爲文章器業必至公輔導受詔主文取之果後作相頊子晟
晟子訥譚並進士及第晟至屯田員外郎訥殿中侍御史
楊昭儉字仲寶長安人曾祖嗣復祖授俱仕唐父景梁左諫議
昭儉少敏俊後唐長興進士解褐成德軍節度推官歷鎮魏掌
書記左拾遺直史館與張昭等同修明宗實錄書成遷殿中侍
御史晉天福初轉禮部員外郎副馮道爲契丹冊禮使加虞部
郎中俄知制誥又爲荆南高從誨生辰使賜金紫遷拜中書舍
人遷翰林學士會請告不赴晉祖喪爲有司所糾停官未幾起
爲河南少尹改秘書少監尋復中書舍人周世宗愛其才復除
翰林學士歲餘改御史中丞多振舉臺憲故事入宋爲太子詹
事開寶六年目疾求退以二部尚書致仕太宗卽位就加禮部
尚書卒年七十六爲人美風儀善談名理事晉有直聲嘗論驕
將張彥澤暴殺從事張式請置之法不報然利口喜譏嘗執政
大臣懼其構謗故多曲徇其意

劉熙古字義淳宋州寧陵人唐相仁軌十一世孫祖寶進汝陰
令熙古通易詩書春秋子史後唐長興中舉三傳獻春秋極論
二篇演論三篇知貢舉和凝甚加推賞擢第館於門下清泰中
驍將孫鐸表金州從事晉天福初鐸移汝州又辟以隨熙古素
善射有鸚鵡集戟門引弓一發貫之鐸喜令勿拔矢以旌其能調
補下邑令俄爲三司戶部領永興渭橋華州諸倉制置發運使
仕漢爲盧氏令周廣順中改亳州防禦推官歷澶州支使秦鳳

平爲秦州觀察判官改宋州節度判官太祖禪位召爲左諫議大夫知青州車駕征維揚追赴行在建隆二年詔制置晉州權礮增課八十餘萬緡乾德初遷刑部侍郎知鳳翔未幾移秦州境多寇患至則諭以朝廷恩信取蕃部酋豪子弟爲質邊鄙以寧轉兵部侍郎徙知成都六年就拜端明殿學士開寶五年參知政事賜銀鞍名馬歲餘足疾求解進戶部尚書致仕卒年七十四贈右僕射熙古性淳謹雖貴顯不改寒素登朝三十餘年未嘗有過嘗集古今事迹爲歷代紀要十五卷精於小學作切韻拾玉二篇摹刻以獻詔付國子監頒行之兼通陰陽象緯之術作續聿斯歌一卷六壬釋卦序例一卷子蒙正字熙正善騎射以廢補殿直遷供奉官征江南命乘傳赴軍方攻潤州值盧絳以舟師來援白部署丁德裕分精甲百人出戰大中左勝戰愈力遂下其城獲知州劉澄監軍崔亮部送闕下蒙正嘗以香藥入京詔往規畫還掌朝服法物庫會重製繡衣鹵簿等式規式太宗創設內藏庫卽命典領由副使至使二十餘年真宗改如京使出知滄冀磁三州卒年七十二蒙叟字道民登甲科歷岳宿二州推官薦授太子中允知乾興拜監察御史秦王子德恭判濟州命爲通判專決郡事遷右補闕累起居舍人戶部鹽鐵判官屯田郎中歷知廬濠滁汝四州咸平中上疏陛下已周諒陰方勤萬免望崇儉德恪守前規無自矜能無作奢縱厚三軍之賜輕萬姓之徭使化育被於生靈聲教加於中外且萬國已觀其始惟陛下慎守其終則天下幸甚上嘉之俄以都官郎中直史館車駕北巡令知中宮名表獻宋都賦述國家受命建號之地宜建都立宗廟時雖未遑後卒從之改職方郎中

景德中拜太常少卿卒年七十三平生好學善屬辭著五運甲子編年曆三卷子宗儒太子中舍宗弼宗誨並進士及第
魚崇諒字仲益初名崇遠由岐居陝自幼能文弱冠辟後唐明宗相州從事卽位表爲記室清泰初任陝州司馬仕晉歷侍御史屯田員外郎知制誥漢祖拜翰林學士中書舍人周祖踐祚書詔繁委皆出其手廣順初加工部侍郎俄轉禮部復爲學士以母老求解官歸養賜告侍母陶穀乘間譖之以爲怨望世宗頗疑之詔許歸陝入宋迄太祖朝不起太宗卽位詔授金紫光祿大夫兵部侍郎致仕卒

張澹字成文由南陽徙居河南幼好學有才藻晉開運進上桑維翰見其人美風儀善談論大加器重妻之以女解褐校書郎

直昭文館遷秘書郎充鹽鐵推官歷左拾遺禮部員外郎史館修撰出爲洛陽令秩滿改吏部周恭帝初仍右司員外知制誥

建隆二年轉祠部郎中會陶穀高錫黨於張去華以沮澹去華自陳願與澹及盧多遜蘇頌校其文藝釐定優劣太祖立召發策並試於講武殿澹所對不應策問責授左司員外郎未幾通判秦州兼海陵鹽監副使怏怏不得志蜀平通判梓州歷官釐務所至皆治晚年附會盧多遜方再獲用復祠部郎仍知誥權直學士院開寶中長春節攝殿中監賜金紫終點檢三司事年六十一無子命中使護葬

高錫字天福河中虞鄉人家世業儒幼穎悟能屬文登漢乾祐進士王晏鎮徐州辟掌書記顯德初爲蔡州防禦推官上書不報宋初棄官歸建隆五年以書干范質奏爲著作佐郎遷監察御史拜左拾遺知制誥加屯田員外郎乾德初賜緋太平興國

八年卒。兄子冕字子莊，顯德中詣闕上書稱古授將仕郎，右補闕。宋初，由都官員外累至膳部郎中，出知益州。卒年五十，贈右諫議大夫，錄其子垂休，固始主簿。

劇可久字尚賢，范陽人。素沉毅，方正明於律令。與馮道、趙鳳爲友。後唐同光初，補徐州司法，以幹職聞。出大理評事，遷寺正。仕晉，歷殿中少監、太子右諭德、大理少卿，賜金紫。周廣順初，復爲大理卿。世宗以刑書深古，條目繁細，難於檢討，前後勅格重互，亦難詳審。命以朝廷所用律十二卷、律疏三十卷、式二十卷、令三卷、開成格十卷、大中統類一十二卷，後唐以來至漢末編勅三十三卷，命可久及御史張湜、率汀、郎中鄧守中、王瑩、賈玘、博士趙礪、李光贊、大理蘇曉、中允王仲編集新格，勅成部帙，律令有難解者，就文訓釋，格勅有繁雜者，隨事刪削。其有矛盾相違，輕重失宜者，盡從改正。候畢，以委御史臺，尚書省四品以上及

兩省五品以上官，叅詳可否，送中書門下議定，從之。五年書成，凡三十卷，名曰刑統，頒之天下。與律疏、令、式並行。建隆三年，告老，卒年七十七。在廷尉四十年，用法平允，以仁恕稱。

蘇曉字表東，武功人。父瓚仕後唐，歷秘書少監、長興初，曉辟鄧州從事。漢祖表爲觀察支使，入周爲大理正。宋初，權大理少卿。曉，深文少恩，當時目爲酷吏。乾德三年，出爲淮南運使，諫權斬黃舒、盧壽五州茶置十四場，規其利歲入百餘萬緡。開寶中，遷司勳郎中，發供備庫使。李守信市木秦隴，聞盜官錢命案之，併得其遺妻。父秦州通判馬適，木後以進籍其家，餘所連及多至破產。擢拜右諫議大夫，賜金紫。卒年七十三，無子。

趙逢字常夫，媯州懷戎人。父崇事劉守光爲牙校。莊宗遣周德

威平幽州被誅時逢尚幼德威錄為部曲令與諸子就學久之
 遊學河朔漢乾祐中登進士甲科授秘書郎直史館周廣順中
 歷左拾遺右補闕世宗遷禮部員外郎史館修撰宋初拜中書
 舍人乾德中授都官郎中知制誥充文館修撰改判昭文館充
 樞密直學士蜀平出知閬州部內盜賊攻城防禦有功遷給事
 中權知貢舉征太原為隨軍轉運使開寶八年卒逢性剛直有
 吏幹敏歷清近所至有聲然傷慘酷又言多詆訐縉紳畏之目
 為鐵杵子子極三班借職

崔頌字敦美偃師人父協後唐門下侍郎平章事頌幼喪母為
 外祖母所鞠以廕補河南巡官歷開封簿鄧州錄事參軍上書
 言事桑維翰奇之擢左拾遺漢初加散階世宗鎮澶淵以為
 觀察判官賜金紫宋初判國子監會里修國學建隆三年夏始
 會生徒講說太祖遣中使賜以酒果每臨幸召講論語及

應答無滯郊祀攝太僕升車執綏上問以一時典禮占對
 上甚重之乾德六年卒年五十為人好詼諧善筆劄受命書
 宗諡冊文時稱適麗篤信釋氏子曉至太子右贊善大夫
 字文炳登雍熙進士雅有士行累為屯田員外郎三司戶部判
 官景德中上語宰相周王元儼年少尤資贊導聞崔臚性純謹
 庶有裨益因名對遷都官員外郎充記室參軍賜金紫遷兵部
 郎中出知河中府轉太常少卿將作監卒
 和峴字晦仁父凝始生峴凝入翰林加金紫又如貢舉喜曰平
 生美事併集因名三美七歲廕千牛備身遷著作佐郎乾祐初
 加朝散階父憂服闋拜太常丞建隆初授博士從祀南郊贊導
 乘輿進退閑雅太祖問知闕闕拜刑部員外郎仍判太常寺乾

德元年冬至有司復請祀吳天上帝詔議其禮峴言祭義戒於
煩數罷之二年議孝明孝惠神主舊禮有二后同廟之文無各
殿異室之說今同祔別廟宜共殿別室孝明嘗母儀天下宜居
上室孝惠止以追尊當居次室從之三年初克夔州命通判州
事代還獻議是歲十二月十四日戊戌臘有司以七日辛卯蜡
百神詔正之四年南郊建議望燎位置燿火又依舊典宗廟殿
庭設宮縣三十六架加鼓吹熊羆十二案朝會登歌用五瑞郊
廟奠獻用四瑞迴伏至樓前奏采茨之曲御樓奏隆安之曲各
用樂章復舉唐故事宗廟祭科外別設珍膳用申孝享之意又
八佾請用玄德升聞天下大定二舞並從之先是王朴竇儼考
正律呂未有繼其職者會太祖以雅樂聲高詔峴講求其禮以
均節之峴請以司天臺景表石尺爲準取王朴所定尺校之短
於石尺四分尺依古法別造新尺使工人較其藝比於王朴所
定差一律自是八音和暢上甚嘉之樂器中有义手笛上欲增
入峴令樂工調品與衆音和協詔賜名拱辰管備於樂府開寶
初遷司動員外郎歷知泗晉二州判吏部南曹江南平受詔采
訪太宗遷主客郎中太平興國二年知兗州改京東轉運使峴
素性苛刻鄙吝好殖財復輕侮人判官鄭同度節度劉遇奏其
以官船載私貨販易規利削籍配汝州六年復起爲太常丞分
司西京端拱初賀耕籍表因奏所著奉常集五卷秘閣集二十
卷注釋武成王廟贊五卷上嘉之復授主客郎中兼禮儀院事
卒年五十六弟矇字顯仁未成童教誦詩賦輒記不忘試爲
詠物四詩頗有思致凝歎賞之語峴曰矇他日必以文顯弟吾
老不及見汝善保護之登太平興國進士釋褐霍丘簿雍熙初

轉大理評事知崇仁縣轉運楊絨薦其才幹移知南昌代還刑部奏爲詳覆官遷光祿丞因凝所取古今史傳聽訟斷獄辨雪冤枉等事著爲疑獄集益增事類分爲三卷以上併獻所著文賦五十軸名試中書擢大子中允淳化初又上凝所註古今孝弟集十卷遷直集賢院賜緋魚三年春獻觀燈賦詔付史館遷右正言廷試貢士預考校作歌以獻上稱賞之時摹印儒行篇賜及第人并三館臺省官皆上表謝蒙與張洎尤稱上旨因語李昉曰如蒙宰相子勤學自立有文章能荷構蓋不多得擢知制誥進水部員外郎知理檢院至道元年賜金紫與王旦同判吏部銓暴卒年四十五上聞驚歎贈加等遣中使就家問狀并恤其孤授子珙大理評事璪補齋郎生平因目眊不得居翰林近侍嘗好修飾容儀自五鼓張燈至辨色冠帶方畢每草制必精思討索而後成弟暉由三班奉職淳化中獻文求試授大理評事

賈黃中字媯民唐相耽四世孫父玘字仲寶晉天福進士仕宋歷水部員外郎知浚儀縣通判鎮州性嚴毅遇有士夫子弟來謁必諄諄誨誘之葬鄉黨羣從十五喪教育婚嫁孤貧不自給者黃中幼聰悟方五歲每旦父命正立展書謂之等身書課六歲舉童子科七歲能屬文觸類賦詠玘嘗令蔬食俟業成乃得食肉十五舉進士授校書郎集賢校理遷著作佐郎直史館建隆三年轉左拾遺補闕開寶八年通判定州以多識典故判太常禮院每詳定禮文損益得中號爲稱職嶺南平出爲採訪使廉平直恕遠人便之還奏利害數十事皆稱旨會克江表選知宣州歲饑民聚爲盜捐俸造糜全活甚衆仍設法弭盜因悉解

去太平興國初授禮部員外郎知昇州爲政簡易部內甚治府署一室廡甚固黃中啓視得金寶數十櫃皆李氏閣中遺物卽表上之上謂侍臣曰此亡國之寶非黃中廉將汙法害人矣賜以錢三十萬父憂起復以文學高第薦召試中書轉駕部員外知制誥八年同知貢舉遷司封郎中充翰林學士上時召見訪以得失對曰思不出位軍國政事非臣所知上益重之雍熙二年知貢舉俄掌吏部選除擬官吏品藻精當端拱初改中書舍人二年兼史館修撰再典貢部多簡寒俊淳化二年拜給事中叅知政事母王氏有賢德上召見命坐諭曰教子如是可繼孟母矣作詩以賜錫資甚厚一時文行之士多黃中所薦引然未嘗自言人亦莫之知也性謹厚過於畏慎寡所建白中書政事頗多留滯不決四年冬罷守本官明年出知襄州改澧州因戒以小心翼翼君子當然若太過則失大臣之體黃中頓首謝上因謂侍臣曰朕念其母老然與之語甚明敏黃中終日憂畏必先母而老矣至道初儲宮建擇大臣德望以爲賓友特拜禮部侍郎兼秘書監詔令赴闕年五十六邁病而卒母尚無恙果如上言贈禮部尚書上聞其家素貧別賜賻賵母入謝又賜白金令勿以諸孫爲念朕當不忘黃中端重守法廉白無私耽嗜文史多知臺閣故事談論亹亹聽者忘倦有文集三十卷五子守謙雍熙二年進士守正獻文召試後爲虞部員外郎守約國子博士守文殿中丞守訥右贊善大夫

李穆字孟雍開封陽武人陝州司馬成秩之子幼有至行路得遺物必訪主歸之從王昭素受易盡究其義登顯德進士郢汝二州從事遷右拾遺宋初通判洋州剖決滯訟庭無留獄移陝

州坐調郡租輸河南不卽應命免官時弟肅爲博州從事將母就居兄弟相與講學意泊如也開寶五年召爲太子中允明年拜左拾遺知制誥五代以還詞令多尚華靡至穆獨用雅正悉矯其弊與盧多遜爲同門生太祖嘗問穆性仁善辭學之外宜無所豫多遜舉穆操行端直臨事不易節仁而有勇者上曰吾當用之時將有事江南部分已定未有發兵之端使穆往召李煜入朝穆至諭旨煜辭疾言事大朝以望全濟今惟有死而已穆曰朝與否國王自處之以吾料朝廷甲兵精銳物力維富恐不易當其鋒宜熟思之無貽後悔使還言狀上以所論要切江南亦謂其言誠實太平興國初轉左補闕兼史館修撰判館事面賜金紫從征太原還拜中書舍人預修太祖實錄賜衣帶器幣坐爲秦王廷美草制辭笏記責授司封員外郎八年同知貢舉上御崇政殿親試進士見其顏瘁憫之命復舊官遷翰林學士知開封府剖判精敏猾姦無所貸豪右權貴莫敢干以私上益知其才擢左諫議大夫叅知政事自左授至大用不及周歲九年正月暴感風眩卒年五十七上泣語近臣曰穆國之良臣朕方倚用遽茲淪沒非斯人不幸乃朕之不幸也贈工部尚書穆質厚忠恪未嘗見喜愠謹言慎行所爲純至無有矯飾性至孝母嘗臥疾動止轉側必親自扶掖以稱母意坐事時給以奉詔鞫獄臺中及爲省郎亦不以白母每隔日陽爲入直自責授暨於牽復母終弗之知居喪哀毀幾至滅性工篆隸并畫常晦其事善談名理深信釋典接引後進多所薦達所著文章多不留稟子惟簡亦多材藝廕授將作監丞性冲澹不樂仕進家居二十餘年人多稱之真宗素聞其履行祥符中召拜太子中

允加太常丞卒賻錢十萬孫郊將作監簿至太子舍人 肅字季雍七歲誦書知大義爲詩往往有警語登甲科歷濮博二州從事保靜軍節度推官嗜酒早卒嘗作大宋樂章九首取九成九夏之義以頌國家盛德其文甚工又作代周顛答北山移文弔幽憂子文病雞賦意皆有所規諷

安德裕字益之一字師臯河南人節度使重榮之子生而未甚遇重榮兵敗乳母抱逃水竇中爲水兵所得執以見軍校秦習因與父舊匿之冒姓秦氏自孩提卽喜筆硯遇文字輒誦讀習異之俾就學博貫文史尤精禮傳嗜西漢書習卒行三年喪後還本姓與以綵裝却曰斯秦氏之蓄於我何有丈夫自當樹立功名豈屑屑於是耶聞者高之開寶二年登甲科調歸州軍事

惟晉歷大理寺丞著作佐郎太平興國中累遷秘書丞知廣濟軍城新建令作記及圖經三卷優詔褒獎八年改太常博士通判秦州就知州事雍熙初遷主客員外郎通判廣州未行李昉言其有史才卽以本官直史館端拱初改金部員外郎淳化初知開封縣會備三館職改直昭文館三年春與梁周翰並充廷試考官上顧宰相此皆有聞之士老於郎署並賜之金紫俄遷司勳員外郎作九絃琴五絃阮頌以獻上稱其詞彩古雅至道三年轉金部郎中出知睦州還判太府寺咸平五年卒年六十三德裕性介潔以風鑑自負王禹偁孫何初遊詞場力爲延譽何乃其首選然酬飲太過故不被獎擢有集四十卷子守亮開寶五年及第子當補備之位言說不見登顯德進士惟據

寶其年及節度推官嗜酒早卒嘗作大木樂章九首歌九成
可以其首豔然爾始太極姑不婚獎贈存其四十卷在也喪聞
廷議祭於介第以風諭旨自其再補終可既遊歸與代為政譽
安德神余補遺中出朕却俄數代復復表其平定平卒六十
遇其後承遺道武終遷亦蔡則感以精其誠遂拜兼至並
歸其官仕歸定州北省休問之世其外須釋道顯之命蔡對數
取問其總會論三論艱刃直凱交論西平春與樂賦館並衣我
寄其亦出本明以本官直史論遊其既與命將員役須郭升既
既秦賦錄賦既事乘顯既數主客員必須既既數既本許李其
李其錄數命并晴又圖錄三卷對蔡樂其途遇太其制上既
弘簡錄卷一百二十五

明刑部員外郎仁和弘齋邵經邦學

皇清翰林院侍講學士四世孫遠平校閱

侍從 宋四之二


石熙載 子中 陳恕 張洎 孫環 郭贄 李至

辛仲甫 王河 弟雅 溫仲舒 錢若水 父文敏

劉昌言 李覺 父成 孔維 韓丕 張茂直

王著 呂祐之 潘慎修

石熙載字凝績洛陽人微時為親負米嵩陽道中遇一叟熟視
曰真人將興子當居輔弼之位言訖不見登顯德進士性疎俊
有量居家嚴謹守禮法宋初以殿前都虞候領泰寧軍節度太
宗辟掌書記及尹京表為開封推官改左拾遺補闕外艱起復



以讒出掌忠義崇武二軍書記太平興國初復召同知貢舉時
梅山洞蠻爲寇命知潭州擢兵部員外郎領樞密直學士未幾
簽書樞密院事賜官第一區爲人忠實遇事盡言是非好惡無
所顧避人有善卽推薦之時稱長者上親征河東以給事中充
樞密副使久乃論功遷刑部侍郎拜戶部尚書知樞密事上眷
注甚篤以疾求解加右僕射卒年五十七車駕臨視贈侍中諡
元懿上歎曰熙載事君之心純正無他方當委用而奄忽至此
大可惜也咸平二年配饗太宗廟庭平居以孝友聞事繼母牛
氏得其歡心母前夫子熙導恩補殿直從弟熙古幼弟熙正皆
第進士至供備庫副使撫之如一人無間言養子中孚至虞部
員外郎子中立字表臣十三而孤性疎曠好諧謔補西頭供
奉官改光祿寺丞家財悉推與諸父已無所受擢直集賢院與
李宗諤楊億劉筠陳越相善校讐秘書凡更其手人皆傳之判
三司理欠憑山帝幸亳命修所過國經爲鹽鐵判官改判吏部
南曹戶部勾院注釋御集爲檢閱官遷戶部郎中史館修撰糾
察在京刑獄知制誥領審官院同知貢舉坐舉官不當落職頃
之復官領三班院歷右諫議大夫給事中入爲翰林學士判秘
閣與張觀兼行外制遷禮部侍郎學士承旨兼龍圖閣學士景
祐四年叅知政事諫官韓琦言其喜譏笑非大臣體寶元初罷
爲資政殿學士領通進銀臺司判尚書都省進大學士遷吏部
侍郎提舉祥源觀加太子少傅致仕卒贈太子太傅諡文定平
生練習臺閣故事不及汲近名喜賓客家產歲入不足以供臨
終喪不能辦帝聞賜白金三百孫行簡祥符進士居簡太子中
允集賢校理

陳恕字仲言南昌人素性強明少為縣吏折節讀書江南平知
 洪州王明召見與語大奇之因資送令預計偕登進士解褐大
 理評事通判澧州澧自唐季以來簿書乾沒吏緣為姦恕至盡
 摘發其弊入累贊善大夫左拾遺判三司勾院充度支判官與
 判使王仁贍廷爭司事仁贍屈伏擢本司員外郎遷工部郎中
 知大名時契丹內寇詔增浚城隍器用不時集恕擒郡中大豪
 一人會將吏將斬之宗族號救豪叩頭流血請翼日集事恕命
 械以徇民皆懼數日功就召為三司副使遷右諫議大夫知澶
 州時議河北營田恕奏制各不同古者兵出於民故可以無寇
 則耕寇至則戰今士皆以募致衣食仰給縣官若使之冬持兵
 春執耒未必不怨萬一生變悔無及矣議遂寢俄知代州入判
 吏部選事拜鹽鐵使恕有心計胥吏備服釐去宿弊號能稱職
 太宗深器重之親題殿柱曰真鹽鐵陳恕遷給事中參知政事
 數月坐與樊知古漏泄禁中語罷知江陵大發羣吏姦賊坐罪
 停廢者眾郡內惕息復以為鹽鐵使太宗留意金穀召三司李
 溥等二十七人對於崇政殿詢以計司利害溥等條上七十一
 事詔以四十四事付有司行之上又言國家賦入數倍於唐唐
 季藩鎮擅命征賦多不入公家下陵上替經制墮壞已久因召
 恕等責以職事曠廢對曰今土宇至廣庶務至繁國用軍需所
 資浩瀚凡遇災沴盡蠲諸州租稅臣等每舉利權輒慮侵民尼
 而不行縱使耿壽昌桑弘羊復生亦所不迫况又驚劣惟盡心
 簿領終不足上裨聖治上曰卿等清而不通專守繩墨終不能
 為國度長絜大剖煩析滯如京城倉庫吏當改職者簿領中
 一處節目未備即至十年五年不決致貧無資給轉徙溝壑



此卿等之過豈不反傷和氣哉皆頓首謝至道二年欲併三司命官總判令恕條列七司事以聞恕奏勾院磨勘兩司出於舊制關防之要莫切於此理欠憑由雖非舊設自理欠失序憑由散落故設二司專令典掌以究其弊綱目咸具制置有倫實亦要切不可廢除其主轄支收司先因從京轉輸外地此除彼附照驗稽滯若於京城專行檢轄亦爲允當其行帳司近日權置帳目告盡司額自除提點司是中旨特置提振三司廢怠之事固非有司所敢擬除凡此皆因三司簿牒填委若三部各設主事辦事亦易詔皆從其請會將立茶法名茶商各條利害恕與副使宋太初共閱之第爲三等言下等滅裂無取上等取利太深此可行於商賈不可行於朝廷惟中等公私皆濟吾裁損之可以經久乃始爲三法行之貨財流通曠路諸州承孟氏之舊賦稅輕重不均運副張曄年少氣銳受詔按覆卽便宜革之計一州歲虧上供絹萬餘恕奏曄專擅削任停免每便殿奏事太宗或未深察必形請讓恕歛板蹶縮負立殿壁若無所容稍俟意解復執前奏終不改易或至三四上始俞允歷禮戶二部侍郎咸平二年真宗北巡充行在轉運使恕事母至孝以母老求解改吏部侍郎知通進銀臺封駁司恕言封駁之任實給事中職隸於左曹今雖別建官局不可失其故號請以門下封駁事隸銀臺司詔可五年知貢舉以王會居首時議稱之母亡哀毀羸瘠起復視事遷尚書左丞權知開封羸疾益甚上詔太醫診療數月表求館殿職事上命求可代者乃薦寇準改集賢學士判院事準檢尋恕前後改革興立之事類以爲冊別用新板刊所出舊榜躬至恕私第請判押恕亦不讓自是無不循其舊

貫至李諮領使始改茶法恕之規模漸革矣卒年五十九口占遺奏及約束後事送終之具無不周悉上深悼惜廢朝贈吏部尚書平生頗涉史傳多識典故善於談論聽者忘倦然深刻少恩人不敢干以私素拒釋氏嘗請廢譯經院真宗曰三教之興其來已久但存而不論可也子執中宰相執古虞部員外郎執方執禮並太子中舍

張洎字師黯一字偕仁全椒人世事南唐曾祖收澄城尉祖蘊泗上轉運巡官父煦滁州司法掾洎少有俊才博通經史登進士調上元尉召爲記室擢工部員外郎清輝殿學士叅預機密不離左右中外之務一以諮之爲建大第賜書萬卷賚予甚厚王師圍城勸李煜勿降因爲燭書詔以蠟丸召上江救兵既而城陷洎給光政使陳喬同死喬白經洎獨歸本朝太祖切責出前詔示之洎頓首請死辭氣慷慨上司之貸其死除太子中允

歲餘判刑部太宗多其文雅熟知典故選直舍入院考試諸州進士未幾使高麗改戶部員外郎出知相州徙貝州不長吏治上以洎儒生不之責也令知譯經院遷禮部郎中雍熙二年同知貢舉端拱初判考功會覆錢俶諡狀內有受寵若驚居亢無悔語郎中張佖駁之謂俶乃藩臣名不可稱龍位不可爲亢請改正洎以狀對壘壘援引故實皆有依據詔不問未幾遷太僕少卿同知京朝官考課兼史館修撰判集賢院淳化中同楊徽之等修正入閣舊圖籍討論故事獨草奏上之又言今起居日侍從官入殿庭東西立俟正班入東西列拜同時起居甚失北面朝謂之儀請準舊儀侍從官先入起居畢分立於丹墀之下謂之蛾眉班然後宰相率正班入起居雅合於禮詔從之又疏

陛下自臨大寶十有五年未嘗一日不雞鳴而起雖剛健不
息天德之常然而游焉息焉亦聖人之謨訓望準唐初故事五
日一朝或分雙日與隻日不報久之擢中書舍人充翰林學士
與錢若水甚被寵顧俄判吏部銓嘗引對選人上顧謂近臣曰
洎富有文藝至今尚苦學江東士人之冠楊徽之錢熙謂洎旦
夕當大用以語劉昌言洎轉白於上上怒召昌言質問黜徽之
等官時皇子益王元傑改封吳王行揚潤二州大都督府長史
領淮南鎮江兩軍節度使洎因上議曰謹按前史皇子封王以
郡爲國置傅相及內史中尉等佐王爲治自漢魏以降所封王
不之國惟命卿大夫臨郡卽稱內史行郡事若東晉瑯琊會稽
臨川三王卽川謝靈運王羲之等爲會稽臨川內史是也唐以
揚益潞幽荆五郡爲大都督之號非親王不授或親王遙領卽
命大臣臨郡卽加長史副大使知節度事如段文昌李載義爲
淮南盧龍二軍節度副大使兼大都督府長史是也今益王以
揚潤二郡建社爲吳國王居大都督之任又正領節度事若再
加長史之號乃是國王自爲上佐設若但以長史拜受其加銜
內又無副大使知節度事之口倘或他日別命守將俾臨本郡
卽不知以何名目授除乞付中書改正宰相以制命已行令候
明年郊祀覃慶遂改正焉上重其該洽嘗賜詩褒美有翰長老
儒臣之句洎與叅政蘇易簡不協多攻其失易簡罷卽以洎爲
給事中叅知政事與寇準同列初準於上前每言洎可任旣同
叅政奉準愈謹政事一決於準無所叅預專修時政記甘言善
柔而已後因奏事異同準復忌之至道二年曹璨自河西馳奏
繼遷寇靈州上詔宰執各盡所見畫策具奏洎揣摩上意疏請

乘靈武以省餽運帝覽奏不悅以疏還之伯恐懼欲自固權位
因奏事大言準退後多謂準不敢廢上意罷準未幾洎以病
告改刑部侍郎罷知政事疾遂亟卒年六十四贈刑部尚書
加美風儀文采清麗言辭捷給善持論兼通道釋書然性儉詖
好攻人短在江南時毀殺潘佑與張佖議事不協遂相讐與潘
慎修徐鉉善後至絕交李煜既歸朝貧甚洎猶巧索無厭煜以
金類面器與之煜子仲寯死洎亦不弔性鄙吝親故罕登其門
惟善事內官嘗奏內供奉藍敏政爲學士內侍唐愈副之上曰
此唐室弊政安可踵此洎慙而退有文集三十卷子安刻國子
博士方回虞部員外郎 孫環字唐公王欽若壻及第除秘閣
校理同知太常禮院收諡錢惟演諡文墨口思請殺溫成廟享
禮俄判吏部南曹爲開封推官歷知洪州兩浙運使加直史館
知穎揚二州就拜淮南轉運入修起居注知制誥坐草夢仙劉
沆贈官制言其附會取顯位其子瑾訴環挾私怨出知黃州還
判流內銓英宗時論先朝乞密定儲副者進左諫議大夫侍讀
學士瑾又訟環前調其子不應法復出知濠州歷憲天河南河
陽當官遇事觸忤勢要至屢黜不悔卒年七十 瑛初名琥字
遂明早孤鞠於兄環登第歷鳳翔法曹縉雲令與王安石善除
集賢校理編修中書條例俄知諫院又直舍人院令草詔責楊
繪劉摯論助役法瑛固辭改命會布爲之由是忤安石意改同
修起居注坐奏事不實解三職已而復之時議建武學瑛言古
者舞干習射受成獻功皆在太學人才咸自此出未聞偏習其
一請無問文武之士悉養於太學又欲復河隴因勢遂定夔蜀
荆廣諸夷瑛言先王務治中國而已今生財未盡有道用財未

盡有禮不宜遽及徂征之事皆不聽俄以集賢殿修撰知蔡州
條具盧秉鹽法峻急一人抵禁數家黥徙朝廷自行役法最下
戶亦每歲納錢乞度寬羨數均損之以惠貧弱復知諫院兼侍
御史知雜事蘇軾鄭俠獄起璩與李定雜治欲傳致之死又劾
馮京與俠交通罪之改判司農寺出知河陽元豐初入權度支
副使知制誥判國子監薦蔡卞爲直講議增博士弟子員月書
季考畧倣周官鄉比之法立齋舍八十二又詳定郊廟禮文奏
國朝未嘗躬行方澤之禮請於夏至日備禮容樂舞以象宰攝
事卒行其說進爲翰林學士詳定官制以寄祿二十四階易省
寺虛名職名始正拜叅知政事改中書侍郎璩素性姦邪便佞
善窺主意隨勢所至而依附之往往以危機陷人深交舒亶數
起大獄初奉安石旋附惠卿隨王珪黨章惇諂蔡確數人之性
不同而能揆情變節左右從順各得其歡心元祐初劉摯論罷
以資政殿學士知鄭州徙河南定州大名進大學士知揚州卒
贈右銀青光祿大夫謚簡翼

郭贇字仲儀開封襄邑人登進士太宗尹京時素聞其名太平
興國初擢著作佐郎右贇善大夫兼皇子侍講賜緋魚上幸東
宮出戒子篇命注解且令講說以喻諸王三年同知貢舉遷右
補闕拜中書舍人賜金紫五年復典貢部會初置京朝官差遣
院凡將命出入受代歸闕悉考校勞績銓量才品卽命掌之遂
拜叅知政事任遇不次每論奏誓以直報嘗白弭德超誣曹彬
趙普重之無何入對因宿醒左遷秘書少監知荆南遇天旱俗
尚浮祀盛陳禱雨之具命悉撤投之江不數日大雨就加左諫
議大夫入爲鹽鐵使奏除諸路積逋正犯繫死子孫猶禁者多

所蠲貸籍曰超拜工部侍郎淳化中知澶州河決坐免久之復起爲給事中知審官院通進銀臺封駁司真宗時拜刑部侍郎知天雄軍名入歷判太常寺吏部流內銓集賢院學士判院事知河南府獻詩自陳復改吏部侍郎俄兼秘書監上以先授經嘗至其家每稱贊純厚長者在秘府屢賜對詢訪舊事愍其老特拜工部尚書侍讀學士作詩賜之有啓發冲年曉典常語東封改禮部尚書集晉邸時凡屬和御製篇詠釐爲四卷以獻優詔嘉獎卒年七十六上以舊故特臨哭之贈左僕射謚文懿錄其子昭度大理寺丞昭升昭用並大理評事昭允左贊善大夫平生屬文敏速而不雕刻有文懿集三十卷性溫和頗能延譽時雋薦引宋白同掌誥命器趙昌言於爲兒時擢居奏名之首有同邑子忌贊聲名潛加構毀贊聞之轉薦其子其人愧泣而

夫然注吝齋切於治生晚節不事事人頗少之

李至字言幾真定人生時母張氏夢八仙人自天降授以字圖使吞之誕後七歲而孤鞠於飛龍使李知審家及長沉靜好學善屬文辭華典瞻登進士釋褐將作監丞通判鄂州擢著作郎直史館征太原命督澤潞芻糧還遷右補闕知制誥太平興國中轉比部郎中翰林學士右諫議大夫叅知政事雍熙初拜給事中時議親征范陽至疏言用兵之道必務萬全幽州爲敵右臂王師所向彼必拒張攻城數萬兵食倍之金湯之堅必資機石茫陽傍無陵阜去山旣遠取石尤難儻有未備願且畜威養銳觀釁伐謀若聖心獨斷在於必行則京師天下之本陛下恭守宗廟命將出師不離京國策之上也大名河朔咽喉暫駐鑿

輿揚聲自將以壯軍威策之中也若遠提師旅親抵邊疆北有

其丹之虞南有中原之慮臣雖不肖願効曳裾斷鞅之忠不聽以目疾求罷授禮部侍郎會初建秘閣與李昉王化基等選三館書置閣俾至總之每觀書閣中上必遣使賜宴三館學士皆與至請昇秘閣次於三館上嘗幸之賜御書草字千文至謂千文乃梁武得破碑鍾繇書命周興嗣次韻而成理無足取莫若孝經有資教化仍御書以賜至薦潘慎修舒雅杜鎬吳淑等入充直閣校理請益購亡書開以新書奏御必賜坐延見恩禮甚厚淳化五年兼判國子監至上言五經書疏俱已板行惟二傳二禮孝經論語爾雅七疏未備望令重加讐校以備刊刻從之又命淑雅鎬檢正譌謬至與李沆領總裁真宗昇儲兼太子賓客詔以師禮事之卽位拜工部尚書仍參政事帝訪以靈武事對曰河湟之地先王置之度外繼遷異類騷動罪固難贖但聖人之道務屈己含垢以安億兆蓋所損者少所益者人望陛下以元元爲念不以小醜介意苟啖以厚利糜以重爵亦安肯迷而不復哉昨鄭文寶絕青鹽使不入漢界禁粒食使不及羌獐致彼有詞今若復禁止恐非致敵懷遠不戰屈人之意後靈武卒不能守有疾求解政授武勝軍節度使知河南詔甫下卒年五十五贈侍中子惟良惟允惟熙皆給俸終制至剛嚴簡重人士罕登其門嘗師徐鉉手寫鉉文及其弟錯集又爲鉉與李昉石熙載王祐李穆作五君詠性吝嗇遂知審養子而利其資人以是譏之

辛仲甫字之翰汾州孝義人曾祖實石州推官祖迥壽陽令父藩河東節度判官仲甫少好學及長偉姿儀器局沈厚兼長吏事周廣順中郭崇頌武定節制署掌書記從鎮澶淵太祖受命

監軍陳思誨密奏崇有姦狀上怒且疑遣中使馳往驗之崇憂
懣失據謂實佐日苟王人不察爲之奈何仲甫進曰皇帝膺運
公首効節軍民處置率循常度何以加辭第遠偵使者率僚屬
盡禮郊迎聽彼伺察久當自辨崇如其言使者至視崇果無他
意還奏上大喜歸罪思誨乾德五年召入拜右補闕出知光州
黃橫河與城直會霖潦水暴疾潰廬舍仲甫集船數百軍資民
備皆賴以濟移知彭州州卒誘營兵及諸屯戍謀以長春節宴
集爲亂適仲甫出城巡視見濠中草深意可藏伏命燒薙之兇
黨疑謀泄自首僉斬百餘人禍不州界少種樹暑無所休仲
甫謾民栽柳隱行路彭人德之名爲補闕柳太祖問趙普文武
兼資者普舉其名以對徙益州兵馬都監代還改三司戶部判
官太平興國初遷起居舍人奉使契丹遼王謂黨進何如人對
曰國家名將輩出如進鷹犬材耳何足道哉遠主欲留之辭曰
信以成命義不可留有死而已竟不能屈使還以刑部郎中出
知成都既至政尚寬簡奏元歲輸銅錢罷榷酤蜀人安之八年
加右諫議大夫時彭州盜賊連結爲害詔捕未獲仲甫誘令自
縛詣吏者百餘人餘驚逸去九年入知開封拜御史中丞雍熙
五年轉給事中叅知政事時呂蒙正居首相王沔任事仲甫從
容其間端拱中進戶部侍郎淳化二年足疾罷爲工部尚書出
知陳州真宗加太子少傅卒年七十四贈太子太保子若冲若
虛若蒙若濟若渝皆能其官孫有孚有鄰中進士

王沔字楚望濟州人登太平興國進士解褐大理評事親征太
原名見行在授著作郎直史館遷右拾遺出爲京西運副改右
補闕知懷州八年同知貢舉擢膳部郎中樞密直學士遷右諫

議大夫簽書樞密院事賜第崇德坊雍熙元年授左諫議大夫樞密副使端拱初改戶部侍郎叅知政事淳化初趙普罷呂蒙正寬簡自任政事多決於沔同列張齊賢陳恕頗不悅踰年二人皆叅政沔不自安慮僚屬有以舊事告齊賢等會王禹偁言兩府不得於本廳見客許於都堂延接沔喜卽奏行之謝泌疏駁以爲不可追還前詔沔坐罷守本官見上涕泣不願離左右未幾鬣鬢皆白有毀沔者上謂沔甚明敏毀者慚而止沔求欲再用因命同知京朝官考課立法苛察上言京朝官有犯令刑部條報分贓及公私罪三等以聞受命甫旬日以暴疾卒年四十三贈工部尚書沔聰察辯給有適時之用上前言事能委曲敷釋每延試嶺進士辭賦音吐圓暢經讀者多中高第然性苛刻少誠信凡登見者必嚼以甘言嘗落過望旣而進退非允人皆怨之弟淮任殿中丞嘗掌香藥權易院坐贓論當奪市以

河故詔杖謫定遠主簿沔亦以是屢爲寇準所詆云

溫仲舒字乘陽河南人太平興國初登第釋褐大理評事通判吉州遷秘書丞知汾州坐事除名未幾起爲右贊善大夫通判睦州端拱初拜右正言直史館判戶部憑由司三年拜工部郎中樞密直學士知三班院彗星見召對言國家自平太原燕代之交城守年深殺傷剽掠彼此迭見大河以北農桑廢業戶口減耗凋敝之餘極力奉邊丁壯備徭老弱供賦遺廬壞堵不亡卽死邪人媚上猶云樂輸加以兵卒荐更行者辛苦居者怨曠願推恩宥以綏民庶上嘉納之遂赦河北淳化二年拜右諫議大夫樞密副使同知樞密院事四年罷知秦州羌戎有西馬家衆藏梟波等部唐末以來占據渭河之南大洛門砦多產良木

歲調卒採伐給京師必以貲假道猶不免攘奪殺掠民以爲患
仲舒至卽部兵歷按諸砦諭以威信皆願獻地內屬旣而悉徙
其部落於渭北立砦以限民感其惠爲畫像祀之有言其生事
者詔改知鳳翔連知興元江陵加給事中會內侍藍繼宗使秦
州還言其得二砦地甚利乃召拜戶部侍郎尋叅知政事成平
初拜禮部尚書罷政知河陽轉開封五年以京府務劇求罷改
兼御史中丞尋轉刑部尚書知天雄軍徙河南俄復知審官院
祥符中進戶部尚書判昭文館大學士卒年六十七贈左僕射
謚恭肅仲舒敏於應務自爲正言至樞密皆與寇準同進時稱
溫寇少與呂蒙正同年相契仲舒廢黜累年蒙正極力援引及
被任用反攻蒙正士論薄之子嗣良嗣先嗣立並錄以官

錢若水字澹成河南新安人父文敏辟劉錡幕府歷長水鄆都

尉扶風令相州錄事叅軍節帥韓重斌取庫錢物不從太祖嘉
其有守授右贊善大夫知瀘州召見諭曰瀘州荒遠尤宜緩撫
聞知州郭思齊監軍郭重選招歛不法爾至爲朕鞠之苟一毫
侵民朕必不赦後治郡有聲彝人詣闕借留改殿中丞許再任
三遷司封員外郎歷洛州建昌軍卒年七十二若水幼聰悟十
歲能屬文陳搏見之曰子神清可以學道不然當大貴但忌太
速爾登進士調同州觀察推官聽決明允郡治賴之淳化初寇
準薦試翰林擢秘書丞直史館遷右正言知制誥新置理檢院
於乾元門外命領之俄同知貢舉加屯田員外郎詔詣原鹽等
州制置邊事還奏合旨改職方員外郎四年夏五月入翰林爲
學士帝謂侍臣學士之職清要貴重非他官比朕常恨不得爲
之又曰士學古入官遭時得位紆朱拖紫足以爲榮豈不思竭

誠以報國乎若水對曰高尚之士不以名位爲光榮忠正之士不以窮達易志操其或以祿位之故效忠於上中人以下之所爲也帝然之俄知審官院通進封駁司管草趙保忠諒有云不斬繼遷開狡兔之三穴潛歸光嗣持首鼠之兩端太宗大以爲當至道初以右諫議大夫同知樞密院事真宗加工部侍郎母老堅求解政充集賢院學士預修太宗并重修太祖實錄宗正卿趙安仁言夔王於太宗屬當爲兄實錄所紀繆誤若水援國初詔令廷諍數四乃定俄判吏部流內銓從幸大名陳禦敵安邊之策言孫武著書以伐謀爲主漢高將將以用法爲先伐謀者以將帥能料敵制勝也用法者以朝廷能賞罰不私也近代周世宗亦因斬樊愛能然後兵威大振請用軍法斬傅潛等以徇然後擢如楊延朗楊嗣者增其爵秩分授兵柄使將大兵分路討除執敵不用命哉俄知開封復陳備邊五要一曰擇帥守二曰募鄉兵三曰積芻粟四曰革將帥五曰明賞罰又言邊鄙用兵惟視太白與月爲進退誠以太白者將軍也星辰者廷尉也合則有戰不合則無戰合於東則主勝合於西則客勝未幾出知天雄軍兼兵馬部署朝議請城絃州詔若水往視之還言不利遂罷役若水率衆過河分布軍伍咸有節制漢爲成將推服上稱之曰儒臣中知兵者莫能若也又遣巡撫陝西緣邊諸郡并州事六年有疾自知不永懇求避位歸京師卒年四十四贈戶部尚書若水美風神有器識能斷大事雅善談論事繼母以孝聞輕財好施推誠待物所至委任僚佐總其綱領無不稱治喜汲引後進推賢重士襟度豁如故人尤惜之有集二十卷兄若愚比部員外郎若冲河陽令調孟州別駕子延年甫七歲

錄奉禮郎後獻文賜進士出身歷太常博士集賢校理

劉昌言字禹謨泉州南安人少篤學文詞靡麗節度陳洪進辟為功曹參軍令掌牋奏借洪進子文顯入貢太祖厚勞之洪進歸朝太宗命鎮徐州昌言從為推官應舉入格授歸德軍掌書記擢第遷保信武信二鎮判官素有吏幹趙普重之錢淑帥鄧復薦為泰寧節制判官改左司諫廣南安撫使淳化初普留守西京表為通判委以府政普卒經理其家帝以忠於所舉拜起居郎賜金紫并錢五十萬連對三日皆至日旣昌言捷給詠詭能揣人主意無不稱旨遂不次登用遷工部郎中踰月充樞密直學士同知審官院驟遷右諫議大夫同知樞密院事不為時望所伏貌又非偉且多闕語或有短之者日以貌取人失之于羽朕聞其語獨能曉之又短其妻母妻鄉里十餘年別娶苟妻詔迎歸京師州縣給裝續食因諭文武官但有父母在劍南陝路嶺南者皆令迎侍違者糾舉三司吏趙質以能調外事上頗任用遷供奉官右侍禁閣門祇候至副使與昌言善嘗保任之贊所為橫恣不法被誅昌言心不自安因上言及侍臣有與贊交者昌言遽出位頓首稱死罪上慰勉之然由此惡其儉詐罷為給事中出知襄州為政不循舊章歛怨於民詔責之至道二年徙知荆南真宗時拜工部侍郎卒年五十八贈工部尚書子有方比部有正虞部皆員外郎中

李覺字仲明本長安人曾祖鼎唐末國子祭酒為蘇州刺史避亂徙家益都祖瑜青州推官父成字咸熙五代末以琴詩遊公卿間善寫山水烟景萬狀至得意處疑非筆墨所成世傳以為寶覺太平興國中舉九經起家將作監丞通判建州秩滿州人

借留就遷左贊善大夫知泗州轉秘書丞與孔維等校孔穎達
 五經正義刊板遷禮記博士賜緡魚雍熙三年使交州黎桓誇
 示山川之險覺對曰國家提封萬里列郡四百地有平易亦有
 險固似此一方何足云哉桓默然色沮端拱元年上幸國子覺
 首預學官講說上顧講坐令對御覺辭曰六龍在御微臣何敢
 乃詔有司張轡幕別設坐從臣皆列坐聽覺講周易泰卦因述
 天地感通君臣相應之旨上悅特賜帛百疋又倣韓愈作竹頌
 傳以獻上嘉其文采遷直史館淳化二年又詳校春秋正義成
 改水部司門二員外郎判國子監卒為人性強毅聰敏上書言
 時務養馬漕運屯田三事其說詳備令送史館語列本志子宥
 字仲嚴幼孤不好弄長讀書屬文不雜交遊祥符中登第調火
 山軍判官入館校勘書籍遷集賢校理知新州歲凶令收取遺
 孩計口給食其貧婦均養之所活甚眾就提點刑獄有殺
 人賄贖就獄者宥廉得其情悉論如法擢權戶部判官判戶部
 勾院知制誥同判太常寺舊制宗廟五饗皆輔臣攝事中廢且
 久止差從官宥因對力言遂復故事又為利州轉運使糾察在
 京刑獄以諫議大夫知江寧民有告人殺其子者以所服巾為
 証民自誣服宥疑召問卒伸其枉俄分司南京改太子賓客判
 留司御史臺卒宥性清介與物無忤好獎拔人士外族貧者分
 別業畀之既死家無餘財官賜錢十萬

孔維字為則開封雍丘人九經及第解褐東明鄆陵二縣簿太
 宗尹京為屬邑吏早以經術受知開寶中禮部奏為考試官舊
 制舉九經一不第即改科維論其事非便詔禮部自今同諸科
 赴舉尋調滁州軍事推官太宗即位擢左贊善大夫知河南除
 公簡錄 卷一百二十五 侍從宋二

滑梓二州通判太平興國中拜周易禮記博士七年使高麗耻
衣緋因泣下上憐之賜金紫王治問禮對以君臣父子之道升
降等威之事治悅稱之九年判國子事雍熙初遷主客員外郎
求爲司業卽以授之會上將耕籍田命考制度起自周禮至於
唐書凡沿革事由並錄以獻遂拜祭酒又奏前朝田敏任祭酒
兼領侍郎上亦從之淳化初兼工部侍郎縉紳多謂其躁請無
退讓風受詔校刊五經疏義未畢被病上遣太醫診視使者撫
問掌事黃門言其私用印書錢維憂懼甚上特赦不問將終召
其徒鄭革口授遺表卒年六十四景德四年錄其孫禹圭同學
究出身

韓丕字太簡華州鄭人父杲晉開運中爲蒲陽簿玘丹攻城沒
焉丕幼孤勵志讀書驪山嵩陽間通周易禮記爲人講說常有
山林之志家貧屢空處之晏如年長始學文開寶中鄭牧知文
州與之偕行薄遊西州劉熙古延置門下令掌書奏妻以孫女
太平興國三年舉進士聲名籍甚公卿多薦之者嘗著孟母碑
返魯頌人多諷誦解褐大理評事通判衡州石熙載薦其文行
代還試中書擢著作郎直史館賜緋魚改左拾遺職方員外郎
知制誥雍熙初加虞部郎中二年同知貢舉丕屬思艱澀典書
命傷於稽緩表求外郡得知虢州就改職方郎中端拱初拜右
諫議大夫賜金紫知河陽濠州本起寒素冲澹自處不奔競名
宦太宗嘉重之淳化二年召爲翰林學士以遲鈍不敏於用罷
充集賢殿修撰累遷給事中工禮二部侍郎史館修撰知均金
滌三州卒爲人純厚畏慎似不能言歷典州郡雖不優於吏事
能以清介自持時稱長者


張茂直字林宗兗州瑕丘人父延昇以經術教授鄉里茂直方弱冠慕容彥超據州城驅之守陴及周師破城將斬之會得釋後勵志於學開寶初州將器其爲人首薦之給錢五萬助裝二年登進士解褐海州推官進司農丞通判泰州爲運使韋務昇誣奏徙監梓州富國監自陳得雪復通判靜安軍軍不領縣城闔之外卽濠州之下博茂直奏割下博隸之進著作佐郎扈蒙薦其才改秘書丞李志又稱其端實命爲益王元傑府記室王好學徵爲詩什援筆而就甚稱賞之待遇甚厚雖受時果之賜亦分餉焉端拱元年召對賜金紫改度支員外三遷本曹郎中真宗居藩茂直與朱昂並在諸王府每預宴集酬唱因識其名卽位遂與昂相繼知制誥會益王生日遣持禮幣爲賜復至舊府時人榮之爲人淳至寡言晚年多疾才思梗澁不稱改秘書少監出知穎州卒年七十五子成列端拱二年及第成務比部員外郎

王著字知微唐相方慶後世家渭南祖賁從禧宗入蜀仕王建爲雅州刺史占籍成都父景瓌萬州別駕著由明經及第歷平泉百丈永康三縣簿蜀平赴闕復主隆平簿素攻書筆跡道媚頗有家法太宗留意字書欲令學士刪定訛舛少通習者運使侯涉薦著改衛尉寺丞史館祇候委以詳定篇韻又令徧覽諸家字體益精八法名見賜緋加著作佐郎翰林侍書兼侍讀更直御書院上每聽政之暇令中使王仁睿持御札示著對曰未盡善也上臨學益勤又以示著答如前仁睿詰其故著曰帝王之意或驟稱善則不復留心久之然後曰功已至矣非臣所能及真宗嘗對宰相語其事且曰王著善規益於侍書待詔中求

之未見其比雍熙二年遷左拾遺使高麗端拱初加殿中侍御
史賜金紫卒加贈賜錄其子嗣復爲奉禮郎
呂祐之字元吉濟州鉅野人本州錄事叅軍文贊之子登太平
興國進士解褐大理評事通判洋州改右贊善大夫歷泰寧天
雄二軍節度判官召拜殿中侍御史決獄西蜀還知衢州換右
補闕直史館同判吏部南曹遷起居舍人端拱中副呂端使高
麗還獻海外覃皇澤詩十九首太宗嘉之淳化初判戶部勾院
會分備三館職祐之與趙昂安德裕並直昭文館俄知制誥賜
金紫同知貢舉坐薦舉妻族東野日宣鞠獄陳州不實降殿中
丞未幾復官至道初拜右諫議大夫賜金紫知審官院真宗轉
給事中歷知襄壽昇三州掌吏部選知通進銀臺司拜工部侍
郎翰林侍讀學士祐之純謹長者不喜趨競所無顯赫聲譽
嘗顧問不能有所啓發改集賢院學士遷刑部郎卒年六十
一有集三十卷

潘慎修字成德莆田人父承祐初仕閩後仕李景至刑部尚書
致仕慎修以愆爲秘書正字累遷水部郎中兼起居舍人隨李
煜弟從鎰入貢且求緩兵會捷書屢至郎吏促入賀慎修謂國
且亡當待罪何賀也時皆稱其得體歸朝授右贊善大夫仍爲
煜掌記室煜卒後改太常博士歷膳倉二部員外郎又遷考功
員外郎通判壽州知開封縣又知湖梓二州淳化中李至薦直
祕閣太宗聞其善奕屢召對慎修作碁說以獻因寓規諷太宗
覽而稱善俄直昭文館累遷倉部考功二郎中咸平中副邢昺
巡撫兩浙俄同修起居注景德初棄老求外任真宗稱其溫雅
不忘舊主得臣子之操宜留祕府聽解記注數月擢右諫議大

夫翰林侍讀學士從幸澶州遘寒疾卒年六十九錄其子汝士
大理評事汝礪奉禮郎爲人風度醜籍博涉文史多讀道書善
清談當時士大夫咸推其素尚然頗特前輩待後進倨慢人以
此少之有集五卷汝士至工部員外郎直集賢院



弘簡錄卷一百二十五 終

卅

